

T5236.05/4462

127

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 20 1940

大苑英華卷第六百十

進文章

進文章一 進文章表二 卷英華前

進文章賦表一首

聖製所司空魏徵魏徵歌詞表一首

為本秘書上祖集表一首

上元成宮額表一首

上元南郊額表一首

進洛陽額表一首

為聖製使洛陽額表一首

為聖製使洛陽額表一首

為聖製使洛陽額表一首

英苑英華卷第六百十

表五十八

進文章一

進文章表二卷英華所編失年代先後今正之

進象經賦表一首



聖製故司空魏徵挽歌詞表一首

為李祕書上祖集表一首

上九成宮頌表一首

上拜南郊頌表一首

進洛圖頌表一首

為朝集使絳州刺史孔禎等進大醜詩表一首

為鳳閣侍郎王方慶進書法表一首

為鳳閣侍郎王方慶進南齊臨軒圖表一首

進神鳳頌表一首

為陳御史進奉和秋景觀兢渡詩表一首

進東嶽朝覲頌表一首

進孝鳥頌表一首

進喜雪詩表一首

進封西嶽賦表一首

進鷓鴣賦表一首

為陳正卿進續尚書表一首

進象經賦表

周武帝

庾信

臣某言臣伏讀聖製象經并觀象戲私心踴躍不勝抃舞
伏以性與天道本絕尋求直以懸諸日月遂獲瞻仰九州

臨莫近對河圖四轍中繩全觀王策未飛玄鶴先聞金石
之聲不上赤城獨見煙霞之氣置管而測光景愈高沉玉
而觀淵泉益遠寢不自涯課虛為賦詞非寒亮學無雕刻
遂敢陳述誠為原顏况復日之遠近本非童子所問天之
渾蓋豈是書生所談冒用奏聞伏增流汗之至

聖製故司空魏徵挽歌詞表

唐太宗

褚亮

臣亮言伏見聖製故司空鄭國公挽詞十首詞窮清曲理
備哀傷漢武北管之書更慙追遠魏文南皮之歎取愧悼
亡與履律而相暉隨鍾石而俱振魏徵早逢興運譽美當
朝為聖主之賢臣預能官於多士出納通顯憑藉寵私忠
誠所到心力同盡而逝水不追清徽永謝樹碑荒隴已叨

文苑英華 卷一百一十五
相質之文哀歌泉路復降高堂之曲事重一時榮流千載
臣趨侍學林竊觀睿藻不入玉山屢逢盈尺如遊珠水常
都照車慶抃之深唯知舞誅不任下情

爲李祕書上祖集表

上官儀

臣某言臣聞漢朝中葉陳農求訪於圖書魏歷初基袁渙
請收於篇籍遂使容臺增飾冊府載輝雅道照於前古風
流被於未裔伏惟陛下睿德緯天神功光表截海班朔益
地延圖垂衣視典探羣王之幽蹟虛已緣情動兼金之歌
詠由是芸香祕室青簡具陳壁水上庠漆書咸集臣大父
隋金州刺史元操筮仕登朝官成三代學綜書部恩洽詞
源雖歲序寂寥微塵無弭河東薛道衡人推才傑范陽盧

思道時號文宗並叶契相忘齊聲比價競炫梁車之寶
擒鄴騎之珍而二家文集久蒙宸照獨於臣門未汙天燭
貽厥之訓在臣宜守獻書之典有國通規今繕寫已訖合
若干卷謹詣闕奉進

上九成宮頌表

高宗

王勃

臣某言臣聞帝機無朕道洽則時邕靈化不言功成則頌
顯伏惟陛下體元纂極模神建隧疑棟梁三氣疑庭衝六
合松軒夜警杳冥姑射之心茅殿晨疑寥廓峒山之駕臣
露風太上庇影葦胥仰衢室而無階候襄城而有地雖望
卑平叔空勤景福之詞而文謝子雲願竭甘泉之思謹憑
天造輒貢九成宮頌二十四章攀紫墀而絕望叫丹闕而

累息臣誠惶誠恐死罪死罪謹言

上拜南郊頌表 高宗

前人

臣伏見穆章元年十二月四日詔既清東寇將覲南岳甫
資元勳旋窺大典伏惟皇帝陛下黼藻神器銜策睿圖用
天老之前機戮防風之後至為而不恃懸寶位於中宸卑
以自居託靈符於上帝禮疑蒼璧瑞溢玄珪紫旻降祐黃
祗叶矩微臣學不照吉才不曠時窺宇宙之神功覩郊禋
之盛節時非苟邁懷雅頌而知歸道不虛行想謳歌而有
志豈與夫周傳考室裁稱棟宇之規漢奏甘泉未息嬉遊
之諷比興衰於列代較馳驟於同衢而已謹憑天則輒貢
拜南郊頌十章文不足立可意有遺美臣誠惶誠恐謹言

進洛圖頌表 武

崔融

臣某言奉某年月日勅命、臣撰洛圖頌伏以陛下聖烈豐

懿應期首出珍一作元符炳鑠曠代罕聞雖臯繇歌虞伯禹

申歎其或生於今日尚不足以談天况臣涉學蓋淺揆才

多陋安可潤色皇化對揚神休竊讀古文幽尋舊式言大

道者莫先於典誥序以之生焉美盛德者莫近於詩什頌

以之成焉其辭婉而微其事簡而要今臣斟酌前訓擬議

鴻猷述洛圖頌一篇并序謹詣宣議一作義門奉進誠未能

探索玄奧憲章經書庶幾竭肝膽効塵露增日月之末光

階天地而不朽斯亦微臣之願足矣臣拜手稽首冒顏以

聞死罪死罪

為朝集使絳州刺史孔禎等進大酺詩表 武后

李嶠

臣禎等言臣聞謠誦必採而風俗可觀舞詠既陳而德音不泯伏惟金輪聖神皇帝陛下金口屈道璿樞正辰慶徽號於法宮撫懷生於淨國玄猷再闡紫極重光天地合德而同休黎氓改視而易聽萬方欣戴百寮抃舞臣等備列下藩預承大慶三年入計行趨玉帛之禮五日賜酺即奏雲天之宴覩光靈之赫奕接恩賦之綢繆酬報何階空誓心而銘骨嗟嘆不足遂抽毫而授簡非効狂而貢斐實有感而求音同盍各於二三冀揄揚於萬一并題序引式光鴻造雖戴天辯日誠不窺於兩童而講德陳詩庶無慙於

西言不量踈野輕敢薦聞繕寫畢功進上如別繫轅之陔輒遙響於雲門化草之微遂馳光於日谷旋顧庸鄙追增悚汗臣禎等無任

為鳳閣侍郎王方慶進書法表 武后 前人

臣某言奉墨勅令臣家所有書法並將進來但臣家書法屬隋季亂離並多墜失臣十代再從伯祖羲之書先有四十餘紙貞觀十二年太宗文武皇帝購求遺迹臣亡父先臣私直並將奉進一不敢留今之所存唯有一卷并臣十代祖導已下書一秩十卷謹隨狀進上但臣弓冶不嗣堂構缺然雖奉納楹多逢壞壁亡失之外所餘無幾私珍緹襲方遺子孫不謂兩曜迴光九霄俯聽曲延採拾遂登

文苑英華 卷一百一十五
旒袞使千載遺寶重增於光價九泉深隧更奉於恩渥寵
被私門榮霑異代懷恩慕遠感佩兼深臣方慶誠惶誠恐
頓首頓首死罪死罪謹言

爲鳳閣侍郎王方慶進南齊臨軒圖表

臣某言臣家有齊帝臨軒圖是南齊袁倩下手所畫私門
傳寶以爲妙絕伏惟聖情兼尚睿鑒旁周稽古軼於虞聰
幽求過於魏覽萬機多暇百代可知或厭遊娛儻存觀省
臣暮年多幸得奉休明竊謂珍竒無容隱默近從京宅取
到不獲早以上聞今謹詣闕隨狀奉進輕塵旒袞伏用慙
惶屏營之至

進神鳳頌表

武后

陳子昂

臣子昂言臣聞昔周道昌而頌聲作遂能昭配天地光烈
祖宗垂之無窮永爲代典伏惟聖神皇帝陛下闡玄極昇
紫圖光有唐基以格周室不改舊物天下惟新皇王已來
未嘗覩也臣聞仲尼曰聖人丘不得而見之矣又曰舜禹
之有天下丘不預也又曰鳳鳥不至河不出圖丘已矣夫
皆傷不得見大道之行而鬱悒也臣草鄙愚陋生長休明
親逢聖人又覩昌運舜禹之政河洛之圖悉皆目見幸亦
多矣今者鳳鳥來赤雀至慶雲見休氣昇大周受命之珍
符也不稽元命探祕文採風謠揮象物紀天人之會以協
頌聲則臣下之過也有國彛典其可闕乎臣不揣固陋
陋輒獻神鳳頌四章以言大周受命之事誠未足以潤色

集作

鴻業揄揚盛美亦小臣區區丹慊文粹作惓之至謹詣洛城南

奉進塵冒冕旒伏表慙惶云天授元年

為陳御史進奉和秋景觀競渡詩表武后前人

臣某言臣伏見去月日御製秋景務餘聊觀競渡故陳先

作式佇來篇凡六韻天文爰降品彙咸亨金簡潛開珍圖

斯見臣聞白雲興詠漢遊汾水之詞黃竹申歌周舞瑤池

之駕然而志崇遠轍事式或集作勞人故文思之化未光太

清之道猶集作闕伏惟聖母神皇陛下太虹齊聖感月含

神玄德茂於皇階文明照於天下用能提玉斗把集作璇

衡百神景從三靈叶贊青雲出洛爰開受命之符赤甲紫

河終御興王之寶非窮神之至德者其孰能格集作於是

哉既而黃屋務閑紫極時暇洞庭張樂思接軫於軒遊

水披圖想同叅於堯輦然而遠而勞物者未若近而安人

動而勤已者豈比靜而神泰於是徙金蹕鳴玉鑾清禁林

御池殿蕭波臣集作而戒事命舟子為水嬉彩鷁蓮歌乍

起吳江集作之引青龍桂楫時謳越女集作時越之風鳥逝

蚪集作驚沸珠潭而競逐雪飛電集橫玉浦而流光信可

以娛樂性靈發揮文物皇歡允洽白日俄光於是奏薰風

於管絃詠嚴雲於赫籟帝歌爰作天藻遐集作彰黼帳帷

宮縟文房之綉綵祥煙集作瑞景霏翰苑之榮光信探賾

道集作於玄苞得斯文於紫極太平允矣元首康哉方欲朝

明堂之宮輯集作羣后之瑞尊崇顯錄集作光啓聖圖封

玉嵩丘以接千年之統泥金少室攸增萬歲之規卓哉煌煌聖君之表也微臣曲學蓬戶竊位蘭臺未聞驂馬之謠非有雕龍之思鞠躬霜暑謬覩於天章逖聽鈞臺側聞於帝樂天文尊貴不遠於下臣帝寶殊集作珍崇曲宣於近貴竊以為君唱臣和固不隔於尊卑宮變商從方允諧於金石輒用齋心扣寂假翰求詞將以攀日月之末光繼螢爝之微照不勝云

進東嶽朝覲頌表 玄宗

蘇頌

臣頌言臣學不淵唐諱博詞蓋實滯陛下過聽被恩最久喜規封岱增天帝王壯觀臣以宗伯秩禮陪清道之輿臣之幸一也又伏覩自天垂象銘岳昭訓臣已有司上載封禪

一作光封之烈臣之幸二也臣再三之幸萬百常情臣某

東京奉旨竊聞刻石三頌臣草一敷聖主之玄猷次紀宰臣之鴻筆斯事至大咎繇吉甫之難也臣自料度不勝懍悚而議者謂臣光榮之至死且不朽臣所羸疾弱然言罕能述忠 愚臣極思慮罄肝膽而為之伏希演脩德之符非敢助親文之化儻以潤色鴻業一蒙眷覽則臣之至懇萬殞知歸輕塵冕旒若寘冰谷無任區區戰灼之至

進孝烏頌表

楊譚

草莽臣譚言臣聞自昔皇玉撫運提象天鏘禎應以光盛業臣伏見以為至道有孚能招異類深仁所協克順天心陛下孝理天下孩視羣動恩被羽族感通陽精雖器車馬

圖洋溢祕府而黃龍丹雀委積近郊此或為常不甚專美
豈如孝烏俯爾營巢不懼不驚以育羣子臣幸逢昌運好
覽休祥萬古殄圖安能有此百代良史未之前聞况宿作
肅穆紫宸曉夕嚴警會弁星列瓜士雲屯燕雀飛梁無相
賀之所魚龍在棟成駭目之觀唯此孝烏晏然能馴明陛
下深愛子物之慈表皇太子歸哺報恩之孝首出象疑作
瑞莫與之齊謹按符瑞圖云宗廟肅敬則 烏至昔范覽
對蜀主言慈烏知孝誠養之禽必有 方懷而至者陛下
聖策遠備威震遐戎略地攻城無歲不克巴蜀之外今斯
獲醜慈烏効社可謂有徵加以遠降日輪近巢天宇擬北
辰以永固豈南飛以遠枝自古攸傳無聞此瑞願陳不朽

垂裕將來謹獻孝烏旌德頌七首雖論揚之美有愧於清
風葵藿之心無忘於捧日謹投延恩匪奉表以聞冒觸宸
嚴伏增戰越臣譚誠恐頓首死罪謹告

進喜雪詩表

李邕

臣邕言一昨瑞雪僖期農人阻望陛下以億兆勤慮倉廩
貽憂禋祀玄冥祈禱黑帝固能至誠應物聖德動天朔雪
下於龍山海神朝於鳳闕是以途歌邑舞野慶朝歡荷一
人之渥恩為四海之膏澤臣仰思揚化伏念輔時雖力減
鴻毛而情殷鶴立無任喜躍慶賀之至謹昧死詣金闕門
陳表貢詩一章臣邕誠惶誠恐

進封西嶽賦表

玄宗

杜甫

臣甫言臣本杜陵諸生年過四十經術淺陋進無補於明
時退常困於衣食蓋長安一匹夫耳頃歲國家有事于集
於郊廟幸得奏賦待制於集賢委學官試文章再降恩澤
仍猥以臣名實相副送隸有司叅列選序然臣之本分其
棄置未疑始望不及此豈意頭白之後竟以短篇隻字遂
曾聞徹宸極一動人主是臣無負於文少集作少小多病貧窮
好學者也集作已在臣光榮雖死萬足至於仕進非所集作敢
望也日夜憂迫復未知何以上答聖慈明臣子之効况臣
常有肺氣之疾恐忽復先草露塗糞土而所懷冥冥實孤
負皇恩敢摠竭憤懣領略不則作封西嶽賦一首以勸所
覬明主覽而番意焉先是御製西嶽碑文之卒章曰待子

安人富國然後徐思其事此蓋陛下之至謙也今茲人安

是也集作已今茲國富是也集作已况符瑞翕習福應交至何

翠華之脉脉乎維嶽固陛下本命以末一作承嗣業維嶽授

陛下元弼克生司空斯又不可以寢也集作已伏惟天子需

然番意焉春將披圖視典冬乃展采錯事日尚浩闊八匪

勞止庶可試哉微臣不任區區懇禱之極謹詣延恩匭奉

表進賦以聞臣甫誠惶誠恐頓首頓首謹言

進鵬賦表已見一百二十六卷 前人

為陳正卿進續尚書表玄宗 蕭穎士

臣某言臣林莽介賤幼而強學竊聞諸大易之說曰觀乎
天文以察時變觀乎人文以化成天下夫察乎變者立德

以貞其象成乎化者立言以贊其効故太極列三階五緯
於上聖人著三墳五典於下至哉文乎天人合應名數指
歸之大統也今之言文字者始於太昊徵訓典者本於唐
堯振頹綱者孰若漢朝興盛業一作言者莫如聖代是則太
昊朕之軒轅章之唐堯祖之虞舜述之漢高作之光武維
之祖宗開之陛下因一作固之臣愚以為太昊至于一作於我
高祖太宗軒轅之于一作於我開元聖文神武皇帝陛下稱
廣運者四代繼成功者四君咸宜布昭春典光熙德政矣
然則伏羲創文籍黃帝立史官太古淳奧權輿朴略至陶
唐氏而後大備故孔子美之曰堯之為君也煥乎其有文
章由是叙帝王之書首唐虞之典於堯則曰欽明文思於

舜則曰誕敷文德文之時義大矣哉夏商已後德弗及舜

仲尼雖一作雜目其書而不為典言未能察變成化比唐虞

之際也何則夏之興也泣辜殊於政一作至理殷之興也慙

德乖於雅樂周之興也謂武微於盡善其不為帝典宜矣

陵夷僭亂以暨暴秦剗亂墳籍瞽聾兆庶王者之風殄矣

先王一作生人之道窮矣天之未喪斯文也故帝道復興於漢

家數百年中一作間而憲章具舉夫其推步律歷帝堯分命

之典也增脩封禪帝舜時巡之義也約三章之法以正咎

繇之刑班四時之舞以續一作續后夔之樂臣竊觀一作觀三

代之作貽範垂訓體國綏人雖載祀繇一作延長德澤深遠

皆因循轍迹故弗易其事孔子曰殷因於夏禮周因於殷

禮所損益可知也未有踵七雄交爭一作之末繼六籍焚

如之後帝典缺而更張淳風醜而載洽若夫漢氏之難者

也八字一作若且義帝之喪三軍縞服異夫湯武之放弑

其君矣諸呂之郤一作浹辰底定異夫羿浞之驟移其柩

矣中興之盛華戎率服異夫吳楚之僭竊其名矣夫如是

有漢之美固可以有虞后千載一時之運歟曹馬以還曾

何足擬四分五裂朝成暮敗其間雖晉平吳蜀隋舉梁陳

混并未幾危亡荐及法令不足以禁齊人聲名不足以垂

後裔其於帝道踈矣又况乎南遷淮海北起胡一作戎者

邪茲又二朝之不若也臣聞乾道運行否終則泰上帝有

以輔文明之哲后表光宅之休期必將乘喪亂之極繼驅

之運故有周之末禮樂崩壞連橫合從俱非正朔則秦

氏略定而漢代以興在晉之亡寓縣崩折南吳北虜各擅

名號則隋氏削平而聖朝以作此天意也不然何秦隋二

葉而亡也若彼唐漢一家之盛也如此於赫盛唐正百王

之闕思文陛下光五聖之嗣啓運應期之符吊人伐罪之

義制禮作樂之本郊天禋地之位萬度三登之穰河海晏

清一作河之瑞舞七旬而殊俗格歌六律而薰風至故以

騰子姒而絕景挹媯邪而高議矣又何東晉後魏梁

陳周齊之足道哉誠宜詔史官一作敷帝載炳唐虞之故

實黜遷固一作之遺制矣漢氏已略之於前皇唐復曠之

於後臣實惜焉知而不述則臣子之罪也臣誠一作愚淺

陋一無陋字竊不自揆敢緣聖朝稽古之道陛下文思之德耕

牧餘一作餘暇輒復著書討尋載籍于茲一紀謹上今文字

一作今續尚書一部凡若干篇卷始有漢二典次我唐二

謹上典以續夫前書堯舜之典也其餘文景明章之後魏晉宋

齊已還南訖有陳北起元魏歷周隋洎夫高氏以至聖朝

惣一十三一作二代詔策章疏頌歌符檄忠臣之正議武士

之權謀類而刊之次以年代以續夫夏商周秦魯之篇也

臣聞古者右史記事左史記言舉其大略前書之義備矣

孔聖沒而微言絕暴秦興而挾書罪雖戰國遺策舊章駁

亂於從橫漢臣著紀新體互紛一作約於表志其道末者其

文雜其才淺者其意煩豈聖人存易簡之旨盡芟夷之義

也昔文宣脩帝者之書究三王之季臣性非天縱學異人

師稟生何幸親逢帝一作聖代此皆文武聖皇之道旨臣愚

曷足以知之何者臣嘗伏讀貞觀實錄昔太宗因聽政之

暇觀覽尚書謂侍臣曰朕每庶幾一作希唐虞亦欲公等齊

有稷契又曰令數百年外讀我國史豈獨窺兩漢哉臣故

知有漢之功業與我唐之化理俱可以繼夫唐虞之盛也

伏惟陛下玄德昭升至仁廣被迺二十一年正月制曰各

勵精一志一作心共興玄化俾蒼生登於仁壽天下還於淳

樸愚臣緬述太宗之旨伏思一作惟陛下之詔固非一作宜取

類於三代之間也勒成帝典不亦宜乎陛下睿思雄飛宸

章間發質文一變風雅大興臣聞水之細者江海假其深

文苑英華卷第六百十
材之短者棟梁資其峻陛下必謂臣所著小有可觀賜以
召見闕庭一垂試問臣採摭之外亦以學文縱不能光揚
盛美猶庶乎細水短材之益則聖旨之含容大矣臣之誠
願畢矣
一作皆文粹

文苑英華卷第六百十

文苑英華卷第六百十一

表五十九

進文章二

進千秋金鏡錄表一首 進王維集表一首

進寶應長寧樂表一首 進元和聖德詩表一首

進撰平蔡州碑文表一首

進平淮夷雅篇表一首

代國子陸博士進集注春秋表一首

代百寮進農書表一首

爲羽林李景略將軍進射鴈歌表一首

進撰江西韋大夫遺愛碑文表一首

史館王相公進和詩表一首

舉薦

薦鮑幾表一首

薦顧協表一首

為宇文戶部薦隱淪表一首

自舉表一首

責躬薦弟表一首

為王戶部薦李諒表一首

舉前池州刺史張嚴自代表一首

進文章

進千秋金鏡錄表 玄宗

張九齡 開元二十四年

臣九齡言臣伏見千秋節日王公以下悉以金寶鏡進獻

誠貴尚之尤也臣愚以為集作謂明鏡所以鑒形者也有妍

媸則覩集作見之於外往事所以鑒心者也有善惡則省之

於肉故黃帝鏡銘云以鏡自照見形容以人自照見吉凶

又古人云前事之不遠後事之元龜元龜亦猶鏡也伏惟

開元神武皇帝陛下聖德之至動與天合本已全於道體

固不假於事鑒然天覆集作覆載廣大無所不包聖道冲虛有

來皆應臣敢緣此義謹於生辰節上事鑒十章分為五卷

名曰千秋金鏡錄雖聞見褊淺所識集作擇不深至於區區

効愚其庶乎萬一不勝悃欵之至謹言

進王維集表 代宗

王縉 附見王維集

臣縉言中使王丞華奉宣進旨集作止應是王維文賦並仰

錄寫進上者十三字集作令臣進亡恩命忽臨以驚以喜

退因編錄又竊感傷臣兄文詞立身行之餘力常持集作當官

堅正秉操孤貞集作直縱居要劇不忘清淨集作靜實見時輩

許以高流至於晚年彌加進道端坐虛室念茲無生乘興

為文未嘗廢筆集作未嘗廢業或散朋友之上或留篋笥之中臣

近搜求尚慮零落詩筆共成十卷今且隨表進上集作曲奉進

承天鑒下訪遺文蒐而有知荷寵光於幽宥沒而不朽成

大名於聖朝臣不勝感戴悲歡之至謹奉表以聞臣縉誠

惶誠懼集作恐頓首頓首謹言

進寶應長寧樂表 代宗

張謂

臣某言臣聞理定制禮功成作樂古先哲王不易之典伏惟寶應元聖文武皇帝陛下纘堯立極繼武承天神授五兵聖包七德頃歲自王邸登將壇祇奉廟謀龔行天罰卷

命龍豹指麾而復洽陰陽誅翦鯨鯢顧盼而並收河朔九

鼎還重三光益明趙魏小康周秦大定伏見所部寄住客

前梨園供奉官梁州克義府果毅劉日進新造寶應等凡

十八曲其調合雅其聲用宮以歌盡言以舞盡意夫雅者

三代之樂貴之則鄭衛不行宮者五音之名用之則角徵

咸叙興亡理亂實繫於茲昔王令言聽安公子失宮聲知

隋氏禍敗非久今臣見寶應樂用宮調知皇家運祚無疆

故製造其詞發揮成曲庶登樂府上達天朝謹附前梨園

供奉官某進表以聞

進元和聖德詩表 憲 集以此表為元和聖德詩序 韓愈

臣愈頓首再拜言曰臣伏見皇帝陛下即位以來誅流姦

臣朝廷清明無有欺弊集作外斬楊惠琳劉闢以收夏蜀

東定青徐積年之叛海內怖駭不敢違越郊天告廟神靈

歡喜風雨明晦無不從順太平之期適當今日臣蒙被恩

澤日與群臣序立紫宸殿下親望穆穆之光况其職業又

在以經籍教導國子誠宜率先作詩以稱述集作盛德

不可以詞語淺薄不足以自効為解輒依古作四言元和

聖德詩一篇凡千有二十四字指事實錄具載明天子文

武神聖以警動百姓耳目傳示無極謹冒昧塵獻無任惶

悚之至集無此十一字

進撰平蔡州集作碑文表憲宗

前人

臣某言伏奉正月十四日勅牒已集作收復淮西群臣請

刻石紀功明示天下為將來法式陛下推勞臣下乞其志

願使臣撰平淮西碑文者闔命震駭心識顛倒是非其所

任為愧為恐經旬涉月不敢措手中謝竊惟自古聖神之

君既立殊功異德卓越之跡必有竒能博辯之士為時而

生持簡操筆從而寫之各有品章條貫然後帝王之美巍

巍煌煌一作充滿天地其載於書則堯舜二典夏之禹貢

殷之盤庚周之五誥於詩則玄鳥長發歸美殷宗清廟臣

工小大二雅周王是歌辭事相稱善并美具號以為經列

之學宮置師弟子讀而講之從始至今莫敢指斥嚮使撰

次不得其人文字曖昧雖有美實其誰觀之辭跡俱亡善

惡惟一然則茲事至大不可輕以屬人伏以唐至陛下再

登大平剗刮群姦灑掃疆土天之所覆莫不賓順然而淮
西之功尤為俊偉碑石所刻動流億年必得作者然後可
盡能事今詞學之英所在成蜀本作森列儒宗文師磊落
相望外之則宰相公卿即官博士內之則翰林禁密游談
侍從之臣不可一一遽數召而使之無有不可至於臣者
自知最為淺陋顧貪恩侍集作侍趨以就事叢雜垂及律呂
失次乾坤之容日月之光知其不可繪畫強顏為之以塞
詔旨罪當誅死其碑文今已撰成隨表謹錄封進無任慙
惶怖懼集作慙羞戰怖之至

進平淮夷雅篇表 憲宗

柳宗元

臣宗元言臣負罪竄伏違尚書箋奏十有四年聖恩寬宥

命守遐壤懷印曳綬有社有人臣宗元誠感誠荷頓首
首伏惟睿聖文武皇帝陛下天造神斷克清大憝金諛一
動萬方畢臣太平之功中興之德推校千古無所與讓臣
伏自忖度有方剛之力不得備戎行致死命况今已無事
思報國恩獨惟文章伏見周宣王時稱中興其道彰大于
後罕及然徵於詩大小雅其選徒出狩則車攻吉日命官
分土則崧高韓奕蒸人南征北伐則六月采芑平淮夷則
江漢常武鏗錡炳耀盪人耳目故宣王之形容與其輔佐
由今望之若神人然此無他以雅故也臣伏見陛下自即
位已集作以來平夏州夷劔南取江東定河北今又發自天
襄克翦淮右而大雅不作臣誠不佞然不勝憤踊集作伏

以朝多文臣不敢盡專數事謹撰平淮夷雅二篇雖不及
尹吉甫邵穆公等庶施諸後代有以佐唐之光明謹昧死
再拜以獻無任兢懼之至臣某誠惶誠懼死罪死罪謹言

代國子陸博士進集注春秋表

憲宗

呂溫

臣某言臣聞惟睿作聖觀乎人文達則化成窮則垂訓先
師所以祖述堯舜志在春秋懸衡百王撥亂三季正大當

集作冠

之本清至公之源通群方以誠貞天下於一動無不

順道德之要

集作玄

機斷無不齊帝王之利器而梁木既壞

生知蓋寡二傳得失索隱末周群儒異同致遠皆泥沒微
言於滋蔓亡要旨於多岐奧室不開漫逾千祀天其或者
將有俟焉伏惟陛下德合乾坤明並日月氣和物茂遠至

邇安欲以人情爲田講學而耨鎮定皇極耀

集作輝

光時

道之將行實在今日臣不揣蒙陋斐然有志思窺聖奧仰

奉文明以故潤州丹陽縣主簿臣啖助爲嚴師以故洋州

刺史臣趙匡爲益友考左氏之疎密辨公穀之善否務去

異端用明本意助或未盡敢讓當仁匡有可行亦刈其楚

輒集注春秋經文勒成十卷上下千載研覃三紀玄首雖

白濁河已清微臣何幸與道偕

集作相

遇竊以德之匪隣骨

肉無應道苟訢合

英華作道之苟合非

古今相知然則堯舜之心非

宣尼不見宣尼之志非陛下不行庶因儀鳳之辰永洗獲

麟之恨臣官忝國學思非出位以

集作道

爲家寶罪實欺天

謹昧死寫前件書詣東上閣門奉進伏候聖旨輕贖宸嚴

竄爽飛越無任

代百寮進農書表 憲宗

前人

臣某等言臣等伏准故事每年二月一日以農務方與令
 百寮具則天大聖皇后所刪定兆人本業記奉進者 中謝
 臣聞不愛牲玉祈穀于圓丘可以致誠未足以勸農 集作爲
 躬秉耒耜籍田於 集作于 千畝可以示勸未足以教人必也
 殷天地之和順陰陽之理利其器用精厥法式行 集作變 之
 而不倦動之而不勞四海靡而風行百姓迷其日用弘我
 政本實惟農書伏惟睿聖文武皇帝陛下德茂生成道光
 慈儉捐金而寶穀菲食而粒人考堯典以授時稽禹貢而
 任土絜粢盛而大事在祀銷劍戟而盡力爲農豐年屢薦

於郊歌嘉瑞繼書

集作光

於國史而不自蒲假惟懷永圖每

至獻歲載陽仲春初吉俯察土膏之候仰觀晨正之祥經
 始歲功導揚生德徵有司之舊典奉先后之遺文深居穆
 清親覽奧妙匪崇朝而盡更田畝不出戶而遍洽人情見
 梓草坏土之艱知寒耕熱耘之苦宸心感念剛畝昭蘇一
 歎而時雨先飛三復而春雷自起臣等業慙學稼祿過代
 耕親承務本之風日奉在勤之訓三時不害觀玉燭於氤
 氲九扈孔脩賀生靈於富庶謹繕寫前件書凡二十篇共
 成三卷謹詣東上閣門奉表陳獻以聞

爲羽林李景略將軍進射鴈歌表 令狐楚

臣某言伏惟皇帝陛下某月日臨御某殿射飛鴈一隻應

弦而落歡動宮闈武暢環衛中謝臣家世為將揚聲朔野

弧矢之事少嘗習焉每張侯為鵠注鏃而釋期於必中十

不一二今則禽飛於青冥之際箭發于倏忽之間一聲劈

雲雙翼墜地此皆神授審固靈扶端直以成陛下神武之

威也臣才質無取蒙恩深厚脫劍免胄之餘輒思撰射鴈

歌一章隨此上獻誠不敢繼抗墜列風雅姑以抒下情宣

上德附於大武之末而登歌焉無任歡忭怔營之至

進撰江西韋大夫遺愛碑文表宣宗杜牧

臣某言奉某月日勅牒令撰故江西觀察使韋丹遺愛碑

文臣官卑人微素無文學恩生望外事出非常承命震驚

以榮為懼伏以洪為州府逾於千載集作言念疲羸常慮

非華作水火風俗如此改革無因韋丹愛朝廷分憂為百

姓去弊不踐舊跡特建宏謀凡三年苦心去千歲大患兼

之灌溉種蒔豐其衣食渤海潁川之理邵父杜母之恩校

之於丹未足為比伏惟皇帝陛下陟降順帝施設如神納

諫若轉丸去惡如反掌是以兵刑措寢年穀豐登而猶念

切疲人及於循吏緬韋丹所集作効之績慰江西去思之

心特與彰揚創為碑紀是宜使內署學士西掖詞臣振發

雄文流傳後代至於臣者最為鄙蕪集作明命忽臨牢讓

無路俯仰慙懼神魂驚飛臣不敢深引古文廣徵樸學但

首叙元和中興得人之盛次述韋丹在任為理之切事必

直書詞無華飾所冀通衢一建百姓皆觀事事一作彰明

人人曉會但率誠樸不近文章受曲被之恩私如生羽翼
報非次之拔擢宜裂肝腸無任感激懇悃血誠之至其碑
文本謹隨狀封進以聞

史館王相公進和詩表

錢翊

臣某言臣聞在心為志發言為詩志通而若啓源流詩作
而自合律呂伏惟陛下道惟恭默稟在文思永圖欲漸於
無為睿覽且明於多暇因臨丹壑遂躡金繩喜物象之澄
清假詠歌而放曠聲傳天籟韻合霜鍾篇殊黃竹之名辭
掩白雲之美臣等逢時竊位敢並韋平應詔屬詞文非顏
謝徒偶昭融之運獲聞雅正之音傾聽不知愧延陵之季
子試吹必濫比南郭之先生但思叅列輔臣安敢首違聖

輟同擊壤仰和貫珠誠懷鄭衛之慙但感宮商之說
辰自轉難參旭日之光鼙鼓空鳴莫續春雷之響其奉和
御製五言七言詩二首謹錄進上塵黷聖鑒臣無任循省
惶越之至

舉薦

薦鮑幾 梁書作
機下同 表

梁元帝

臣某言臣聞思皇多士仄陋所以明敷疇咨熙載筆俊所
以並作斯固殷殿初基拾龍淵之寶虞祠始構獻鳳管之
玉旌蒲出魯賁帛歸齊頌聲既興盛業斯在伏惟陛下則
天緯地乘正馭才沙汰八風澄明六合叶龜登夢之客日
賁於丘園常較投鈞之臣相望於魏闕故以物無遺寶矣

振鷺有充庭之謳白駒罕空谷之詠洋洋濟濟無得而稱者焉臣誠一作識愧知才職非選舉竊以進賢上賞蔽賢顯戮敢緣斯義用舉所知伏見臣府中錄事參軍東海鮑幾年五十有七字景玄門庭雍睦立身貞退博涉文史頗閑刀筆忠公抗直出宰廣平雅志弘深安貧專靜解巾入仕三十餘年自遊臣府一紀于茲前宰東邑實有二魯之風近處南臺欲尊兩鮑之則伏揆天嚴已當簡在脫蒙顯居良局登以清貫將齊毛玠古人之服實同吳隱酌水之廉昔丁隈牧州陳顧羣之好禮徐靖為郡薦袁奐之篤學栢範驅傳先舉管寧朱則剖符亦稱董直臣才非徃哲識愧前脩輕塵聽覽伏待斧鉞謹奉表

薦顧協表

梁相東王即元帝

臣聞貢玉之士歸之澗山論珠之人出於枯岸是以芻蕘之言擇於廊廟者也臣府蕪記室參軍吳郡顧協行稱閭里學蕪文義服膺道素雅量邃遠安貧專靜奉公抗直傍闕知已志不自營年方六十家一作室無妻子臣欲言於官人申其厄滯協必苦執貞退立志難奪可謂東南之遺寶矣伏惟陛下未明求衣思賢如渴爰發明詔各舉所知識非許郭雖無知人之鑒若守固無言懼貽蔽賢之咎昔孔愉表韓伯一作績疑當作績按晉書隱逸韓績傳孔愉之薦之詔以安車束帛徵之韓伯傳無此字才度亮薦翟湯之德臣雖未齒二臣協實無慙兩士

一作皆梁書顧協傳

為宇文戶部薦隱淪表

樊衡

臣某言臣將使之辰特奉天旨念及遺逸委臣明敷蕪恤
 屢空令臣調給臣謹依制命宣布遐邇承風籍一作響隱
 淪皆出考其精尤所得如右伏惟陛下恢徵士之典飾薄
 車之儀一作義昭示海內令知聖朝有寵賢之盛臣之報國
 志願畢矣孰知多士盈朝四門已集微臣所奏不動聖衷
 誠願陛下留意才難願求邦本山高惟積不厭高深芻蕘
 有裨伏希裁擇臣無任懇迫之至

自舉表

玄宗

蘇源明

草莽臣某言臣實陋微素乏才業將遂長往守此無用天
 鑒孔明澤覃幽僻伏奉今年正月五日制詣闕自舉不次

之私無限於物豈無庸非所當庸荷伏惟開元神武皇帝
 陛下道密旒宸德孚天地忝在草木幸均雷雨朝夕微命
 虛受臣生偃卧窮數詎知帝力展義介丘肆覲群后得列
 庶人之間不在役夫之上王者能事邦家烈光耳未前聞
 日所畢覩載懷涵育無咎造化孰謂聖恩曲貸巖壑顧慚
 庸近何階對敷臣聞明主臨下也務求才以自輔量能以
 自進臣才非令問譽寂鄉黨志尚庸寡理絕聞知縣令臣
 柳國狀臣於編戶之中刺史臣柳絳諭臣以明削之意且
 臣山東一布衣耳在昇平之時徵求之口非自察者難審
 其可苟欲避嚴令發困蒙心靈震越寢寐驚悸無任承恩
 喜躍之至

責躬薦弟表

肅宗

王維

臣維稽首言臣年老力衰心昏眼暗自料涯分其壽

集作能

幾何又竊天官每兢

集作慙

戶素頃又沒於逆賊不能殺身

負國偷生以至今日陛下矜其懦弱

集作愚

弱託病彼囚不賜

疵瑕累遷省閣

集作門非

昭洗罪累每負惡名在於微臣百生

萬死

集作是非

昔在賊池泣血自思一日得見聖朝即願出家

脩道及奉聖主伏戀仁恩貪冒官榮在苒歲月不知止足

尚忝簪裾昔

集作始

願屢違私心自咎臣又聞用不才之士

才臣不來賞無功之人功臣不勸有國大體為政本源非

敢論議他人竊見

二字集作竊以兄弟自此

臣弟蜀州刺史縉太原五

年撫養百姓盡心為國竭力守城臣即陷在賊中苟且延

命臣忠不如第一也縉前後効

集作歷

任所在著聲臣忝職

甚多曾無裨益臣政不如第二也臣頃負累狀在三司縉

上表祈哀請代臣罪臣之於縉一無優恤

集作憂憐

臣義不如

第三也縉之判策屢登甲科衆推才名素在臣上臣小言

淺學不足謂文臣才不如第四也縉言不忤物行不尚人

植性謙和執心平坦

集作直

臣無度量實自空踈臣德不如

第五也臣之五短第之五長加以有功又能為政願臣謬

官華省而第遠守方州外愧其

集作妨

賢內慙比義痛心疾

首以日為年臣又逼近懸車朝暮入地閭然孤獨迥無子

孫弟之與臣更相為命兩人又俱白首一別恐隔黃泉倘

得同居相視而沒泯滅之際魂魄有依伏乞盡削臣官放

歸田里賜第散職令在朝行集作廷臣當苦行齋心第自竭誠盡節並願肝膽塗地殞越為期葵藿之心庶知向日犬馬之意何足動天不勝私情懇迫之至

為王戶部薦李諒表德宗 柳宗元

臣某言臣聞知賢必進忠臣之多集作大方擇善而舉明主之要道况臣特受恩遇超絕古今報國之誠寤寐所集作深切是敢竭愚臣之微分助陛下之至明恢張羽儀弘輔理化臣誠惶誠恐頓首頓首竊見新授某官李諒清明直方柔惠端信強以有理敏一作幹而甚文求之後來畧無其比臣自任度支副使以諒為巡官未及薦聞至一作去某月日荆南奏官勅下今見赴本道諒實國器合在朝行臣之所

知尤惜其去伏望天恩授以諫官使備獻納冀他日公卿之任斯焉取斯則聖朝無乏士之名微臣緩蔽賢之罰無任誠懇屏營之至

舉前池州刺史張嚴一作嚴自代表德宗 李冉

臣某言伏惟建中元年正月五日制條諸州刺史授訖於四方館上表讓一人自代者前池州刺史張嚴苦節立身直躬激俗潔廉惠愛特異常流自軍興已來職役繁重江淮百姓多有流亡張嚴在任三年闢田加戶頃因公坐法至免官在理可容原情堪錄臣當州自定兩稅以來詎今四歲戶口減省差科日增臣無政能坐待顛躓使嚴代處必有成功伏望天恩遂臣誠請無任悃款之至

文苑英華卷第六百十一

文苑英華卷第六百十二

表六十

進祥瑞

齊王進白兔表一首

齊王進蒼烏表一首

齊王進赤雀表一首

為杭州刺史崔元將獻綠毛龜表一首

為司農卿宗晉卿進赤背山鵲表一首

為鳳閣侍郎進拍牛一頭額上有萬字蒙賜馬一疋

表一首

為鳳閣侍郎李元素進冬樵表一首

為留守奏慶山醴泉表一首

文苑英華 卷一百一十五
為留守奏羊乳麀表一首

為留守奏嘉禾表一首 進關羊表一首

為李北海作進芝草表一首

為揚州李長史作千秋節進毛龜表一首

進文馬表一首 為崔中丞進白鼠表一首

廬州進嘉禾表一首 進異馬駒表一首

為太原李說尚書進白兔表一首

齊王進白兔表 庾信

臣聞與國欲遠則玉虎晨鳴轍迹方開則銀麀入貢伏惟
陛下明明在上翼翼居尊德動天關威移地軸是以風煙
照燭毛羽禎祥史不絕書府無虛日臣受服元戎用綏邊

鄙轅門所屆始次能山前茅慮無乃獲白兔光鮮越雉色
麗秦狐月德符徵金精表瑞呈祥輿頌効異披圖尊敬之
迹既明應事之機斯兆臣之龔行實從來略瑞以素質彌
雄西氣庶重承廟筭方事申威揜代偃齊分韓裂趙不任
鳧藻踊躍之情 云云

齊王進蒼烏表 前人

臣某言臣聞飛南陽之雉尚闡霸圖下建章之鵠 一作鶴 猶

調和氣况乃虞庭告瑞姬社呈祥咸高識哺之心實貴能

知之性伏惟皇帝陛下德教百姓孝刑 一作刑於 四海攝提從

紀天下文明是以東海輸禽乍改黔質西山度羽或變蒼

精臣去月三十日行到陝州獲大都督莫仁回樂列稱於

州射堂內見一蒼鳥林薄田翔循環不去駐乘木之精轉
司風之翼即召儀同某甲等同時觀見斯實禮敬所覃孝
慈之感理宜歸瑞秘圖書祥帝冊用光至德取効升平無
令赤鳳留止偏爲瘞玉之歌玄鶴徘徊獨擅銜珠之舞

齊王進赤雀表

前人

臣某言臣聞南陽雉飛尚論秦霸建章鵠一作鶴下猶明漢
德當今天不愛寶地必呈祥自應長樂觀符文昌啓瑞伏
惟皇帝欽明文思惟以劬勞成務曆象日月允釐百工海
水無波天星不動去四月十三日獲隴右符府叅軍李暉
牒稱戶屬秦州清水郡怕陽縣文谷林在家庭獲一赤雀
光同朱鳳色類丹鳥降火飛精似入公車之府流金成製

若上凌雲之臺謹按赤雀銜書止於鄆戶周之受命興乎
此祥即事所觀同符合契實可圖形瑞譜書頌儒林事足
成臺名堪紀號豈一作非雲中太守見赤心之奉主蓬萊
童子知白環之報恩臣等預觀休徵情迫恒慶不任鳧藻
之至

爲杭州刺史崔元將獻綠毛龜表 李嶠

臣某言臣聞五氣殊方元龜列於玄武四靈異稟神蔡遊
於紫泉用能藏往知來發祥祚聖大禹之末終天祿文薦
九疇隆姬之乃命帝庭兆言三吉永言秘寶錄存縑簡伏
惟金輪聖神皇帝陛下蘊靈沙劫屈道璿樞推正覺而御
燹倫弘大悲而撫群俗雲行雨施之澤下涌三泉春生夏

長之人曲成萬物恩洎草木惠覃飛走天澤感氣而延和
神靈應德而呈瑞伏見所部錢塘縣人聶幹於市內水中
獲毛龜一枚脩尾長頭玄甲綠毳名掩於楚宗狀竒於靈
繹雖六眸在首未足尚其禎祥五色成文詎能齊其詭異
伏叢著而自爰下蓮芳而暫出美蕪曠代休踰群祉謹按
孫氏瑞應圖曰王者德澤湛清漁獵從時則靈龜出禮舍
文嘉曰內外之制各得其宜則山澤出靈龜陛下解網收
罟弘天地之大德創制改物窮帝王之能事宜其膺受冥
貺克享珍符且益有十朋表賢才之入用壽踰千祀彰聖
曆之無疆嘉祉不召而自臻乾象無祈而潛應臣謬當重
寄親奉洪庥靈異爰臻旣駭於常觀忭舞胥屬實蕪於恒
品無任慶躍之至

爲司農卿宗晉卿進赤觜山鵲表 前人

臣晉卿言昨於宿羽亭子園內捉得赤觜山鵲一枚其鳥
有三足中足有五指近人相託爪上有毛儀觀非常精彩
特異雖貌在禽類而名高羽族鮮毛孕碧勁觜含卅三足
呈休與黔烏而比孝五指爲瑞共白麟而同德填河未足
方其美繞樹無以儷其珍故使綠衣翠襟羞言辯惠藻翰
錦臆憚稱竒偉將明天子之德遂入虞人之羅自非睿感
潛通禎符顯應豈能殊祥畢奏異物咸臻曠千古而難逢
超百王而獨異臣謬忝簪笏忝列葭莩忭躍之情實倍恒
品無任喜慶之至謹奉表稱賀以聞其山鵲謹隨表同進

為鳳閣李侍郎進瑞牛一作牛一頭額上有萬字蒙

賜馬一匹表

前人

臣某言臣昨輕率愚陋進瑞牛一頭今蒙恩賜良馬一匹
伏惟陛下道超萬古化穆三神故得天壤薦成幽明歸奉
植物動類變形質而呈休羽族毛群革音容而表貺萬為
盈數化成於大武之元拍者粹文煥炳於純離之畜斯乃
自天靈命曠代殊祥實上聖之元符在微臣之何力猥蒙
宸獎曲被皇慈移滅沒於帝閑降權奇於御阜漢宮流赭
遂出於玉臺軒后飛黃俯回於馳道一作整室豈直衣冠同羨
固亦妻子相驚臣亦何人冒斯殊寵惟當附茲驥尾希自
勵於疲駑託此龍媒庶長承於驅策無任悚戴之至謹奏

表陳謝以聞

為鳳閣侍郎李元素進冬棋表 前人

臣某言聞京兆萬年縣大寧坊宅內有桑樹一株暮秋生
子初冬椹熟今謹取得專輒進奉伏惟陛下惠覃區寓仁
洎草木故得神蚕之樹發秀於寒露之辰帝女之林結實
於繁霜之下出於萬年之界彰一人萬歲之符生自大寧
之坊表群生大安之慶鳴鴉已革見夷貊之懷音絲蠶行
豐知府藏之逾實殊禎荐委絕貺仍臻凡在含生孰不欣
慶無任忭躍之至謹奉表陳賀以聞

為留守作奏慶山醴泉表 武后 張說

臣某言臣聞至德洞微天鑒不遠休徵秘景時和則見是

知綿代曠曆慶謀祥經帝王有必感之符神靈無虛出集作

應之瑞伏惟天冊金輪聖神皇帝陛下金鏡御天璿衡考

政欽若玄象弘濟蒼旼茂功將大造混成純化與陽和俱

扇朝百神之樂職宅萬國之歡心嘉氣內充滂雨外息豈

止搖風紀月之草列時於階厨儀簫御籙之禽相鳴於戶

閣而已固有發禎厚載抽貺泉源表玄德之潜通顯黃祗

之昭報臣去集作於六月二十五日得所部萬年縣令鄭國

忠狀稱去六月十四日縣界霸陵鄉有慶山見醴泉出臣

謹差司戶集作戶曹叅軍孫履直對山側集作中百姓檢問得狀

其山平地湧拔周回數里列置三峯齊高百仞山見之日

天青如雲集作天晴無雲異雷雨集作風雲非之遷徙非崖岸之蹇

爾隆崇巍然葱鬱阡陌如舊草樹不移驗益地之祥

知太乙之靈化山南又有醴泉三道引注三池分流接潤

連山對浦各深丈餘廣百步味色其潔特異常泉比僊漿

於軒后均愈疾於漢代臣按孫氏瑞應圖曰慶山者德茂

則生臣又按白武通曰醴泉者義泉也可以養老常出於

京師禮斗威儀曰人君乘土而王其政太平則醴泉湧潛

潭集無潭字巴曰君臣和德道度叶中則醴泉出臣竊以五行

推之六月土王神在未母之象也土為宮君之義也水為

智土為信集作仁水伏於土臣之道也水相於金子之佐也

今土以月王而高水從土制而靜天意若曰母王君尊良

臣善相仁化致理德茂時平之應也臣又以山為鎮國水

實利人縣有萬年之名山得三仙之類此蓋金契集作景

福寶祚昌圖邦固不移之基君求無疆之壽自永昌之後

迄于集作於茲辰地寶屢昇神山再聳未若連巖結慶並泌

䟽英華作其群瑞同區二美齊舉高視今古集作曾無擬

議信可以紀元立號薦廟登郊彰賁億齡愉衍萬宇臣厚

司京尹忝寄留臺牧西土集作之疲人荷東蕃之餘寵游

泳鴻露集作震悚明神禧祉有歸集作神禧嘉光啓茲部

喜觀殊觀實百恒流踊躍一隅馳誠雙闕伏請宣付史館

頒示朝廷無任鳧藻之至謹遣某官進圖奉進

為留守奏羊乳麀表武后前人

臣某言臣聞靈感無方每先時以見象神監集作不昧必

憑物以示人有德著而休歸或祥來而事應伏惟天策金

輪聖神皇帝陛下端冕馭天舞干柔遠南越瑞貢久通譯

而歸仁西域竒山近隨方而應聖臣今月集作得所部萬

年縣令鄭國忠狀送新出慶山下殺牝羊乳麀麀一頭狎

擾因依動息隨戀如生集作所產若素同群理有可嘉事

無前例臣聞異物集作竊相育外方慕化之微野畜自馴

荒服來王之兆必有遠夷解辯歡心百獸之庭擴俗懷音

稽首三朝集作稽之會臣言可驗翹足是期昔馬或生羊

易占得人安之體犬時養蔬天鏡顯代康之文援此比蹤

實為同貫况復晨飲醴浦夕下靈山翳仙杏之竒花拾嘉

禾之餘穗羊楨甚玉麀慶踰集作銀晦朔未移祥符累集

福應之盛今集作前古未聞臣忝尹京都屢薦嘉瑞慶忭集作

擢之至兼倍恒流謹差某官奉表隨進

為留守奏嘉禾表武后

前人

臣某言臣聞天聽自人神和在德代非乏瑞罕遇開一作交

泰之期福不虛徵必俟休明之主伏惟天冊金輪聖神皇

帝陛下仁覆萬靈孝理四海功莫集作罔高於尊祖道莫大

於配天嚴備郊禋崇肅宗祀秩百王之禮兼六代之樂恩

集作化溢膠庠訓優更老政每先於帝籍役不紊集作奪於農

時嘉氣橫游集作浮祥風紛灑騰文煇色九光連合於貞明

逸輦殊倫集作殊輪百寶駢茲於動植臣今日奉進旨告

望鳳臺慶山醴泉之瑞其日於山陵東三字集作東山栢城內

嘉禾一木臣初見衆苗亘壟香穎垂秋嘉玩集作翫繁滋

觀成粒左右無識折以呈臣異其綠葉緩舒葱芒璧秀熟

視竒狀乃知嘉祥下則異畝合莖上又同連雙穗昔雍熙

之代政理之君雖導出應時而生不擇地禾有託根神域

彰孝德之能深吐秀壽宮助粢盛之豐潔此蓋睿誠通感

靈集作天祐降祥中古以來未覩斯美臣籍慶宗枝久沐星

潢之潤躬持瑞穎預奉天保之符忭悅之誠倍兼恒品

進鬪羊表玄宗

前人

臣某言臣聞勇士冠鷄武夫戴鶡推情舉類獲此鬪羊遠

生越嵩蓄情剛決敵不避強戰不顧死雖為微物志不可

挫伏惟陛下選良家於六郡求猛士於四方鳥無遁村獸

不藏伎如蒙効竒靈固角力天塲却鼓怒以作氣前躑躅
以奮擊跌古兪切疾也若奔雲之交觸碎如轉石之相叩裂骨
賭勝濺血爭雄敢毅見而衝冠驚猥聞而擊節冀將少助
明主市駿骨揖怒蛙之意也若使羊能言必將曰苦鬪不
解立有死者所賴一作願至仁無殘量力取勸焉臣緣損足
未堪復地謹遣男附馬都尉均謹詣金闕舊唐書作明門陳進
輕冒宸嚴伏深戰越

為李北海作進芝草表玄宗

蕭穎士

臣某言臣聞郊祀盡敬絜盛豐絜則天一作休祉地生靈芝
大哉斯元和正氣有感而昭敷者爾古先哲后所由盡心
臣本郡道學講堂中梁有芝英產見六莖共本正向堂門

素色純淨流輝棟宇臣遐考曩曆旁窺瑞謀多矣至若神
爵九枝青龍三幹菌蠢池籞歲蕤甸服猶復登諸宗廟被
以頌聲又况極道德之至精鑠玄元之景命超漢軼魏光
圖掩謀之秘瑞伏惟開元天寶聖文神武皇帝陛下大孝
尊先玄功兆物與清宮於群國驅赤縣於仁壽天弗違而
寶曆重昌瑞有蒼而金莖一作英特秀觀其審曲面勢負陰
抱陽當九月而生聿符陽數挺六莖之表遙叶樂章昭聖
祚於天長返皇風於古始加之冰霰奪色緇塵不染迎曉
日而相鮮與秋雲一作空而共絜雖復晨敷者五競爽於冊
田歲秀者三擢榮於玄圃以茲視彼奚其瑣碎臣姓忝宗
枝任叨藩首一作守揚吹萬之化預稟陶鈞聳倍百之情寧

忘肺腑

為揚州李長史作千秋節進毛龜玄宗前人

臣某言臣聞在昔上皇之御極也則玄化有助嘉祥必臻

故升中于天而四靈一作靈是格若夫出洛登壇青文冊甲

之瑞王霸以降遼哉夏乎不可得而聞已然其緬邈郊敷

威夷簡牒與時而升降者亦徃徃而存未有含道德之純

粹闡祖宗之休命俛視千載潛通百靈允符秘祉若今之

盛者也伏惟皇帝陛下至誠允迪懸解自衷神有契而斯

輔道惟深而不測故錙銖繫表寤寐胥庭七曜垂文則玄

言一作元焯叙千秋表節則綠錯來儀以今月某日所部江

都縣崇虛觀講聖注道德經於玄元皇帝座隅有毛龜

一作羣毫金介爍曰霏烟迹殊生育來緣感召應陛下

長靈之期符先聖谷神之妙知來藏往實見于茲休徵委

集萬方幸甚手舞足蹈倍百恒情無任喜悅之至謹奉表

以聞

進文馬表

李邕

臣某言臣聞禽獸殊祥卉木奇狀自古者疑也必有應焉

伏惟陛下德合天地道通神明天物所以來神物所以見

且麟者仁獸主仁者則呈馬者文身君文者即一作則降魯

是上叶尊號下報太平也觀夫豹蔚騰文龍章助聖書籍

所未載耳目所未聞即知非常之君必有非常之物臣不

勝忭躍欣慶之至謹遣某官馳表奉進以聞臣某誠惶誠

恐

為崔中丞進白鼠表

李舟

臣某言以今月某日於所部宣城縣謝亭鄉百姓姚德家獲白鼠一素毛毳然淨若冰雪體貌閑暇異於其倫臣為

一作謂白者少陰之色也鼠者陰姦人之象也夫以晝伏夜

動之質穴社穿墉之姿而乃稟金方之正色投籠檻以馴

擾此蓋小人革性之瑞西戎授首之符臣某

中謝臣又聞白武白鼠皆金行之祥也且獸之大者莫勇於武獸之小

者莫怯於鼠前志有之曰用之則如武不用則如鼠則武

之與鼠其類之極乎臣愚以為天之意者又以鼠警陛下

耳夫犬戎猾夏者乘金方沴氣也陛下若臨之以律防之

以時則雖強如武將弱如鼠矣陛下若臨之失律防之後

時則雖弱如鼠將強如武矣今犬戎未滅秋律始行伏願

陛下鑒上天之炯誠納微臣之芻詞考金行從革之儀徵

武鼠強弱之勢則當西極月窟率來王矣况復蠢耳犬戎

乎無任

廬州進嘉禾表

符載

臣某言得廬州刺史裴靖狀稱巢縣百姓唐海母喪廬墓

手自耕植以備祠祭無何於粟田之中輒產嘉禾一本六

穗一本五穗即時差錄事參軍朱寧丁寧考驗事狀明白

臣聞感天地者存乎誠通神明者極乎孝蘊而為精粹發

而為禎祥上玄與之獻酬后土為之泄露故使騰芳高隴

擢穎清秋冠九穀之英英增大田之藹藹此皆陛下聖德
茂鴻化洽名教立風俗厚生人之内有淳孝靈瑞之下有
嘉禾邁風烈於前王與丹青於唐史不然何幽贊玄答其
若是乎臣猥以純劣祇守風土宜陛下之恩澤撫陛下之
庶眚覩茲盛美光榮耳目不勝歡忭踊躍之至

進異馬駒表

令狐楚

臣某言得當道征馬使穆林狀稱忻州定襄縣王進封村
界去五月十二日夜孳化一作生馬群内異駒一疋白駒文
馬畫圖送到者臣謹差虞候辛峻專往考驗并母取到太
原府而毛色變換與青駒色駝頭跌額紅鼻肉駿尾上茸
毛額帶星及旋肋骨左右各十八枝四蹄青两眼黑續得

穆林狀稱當生之夜群馬皆嘶靈質炳然休徵備矣臣某

中謝

臣聞馬之精也自天而降馬之功也行地無疆是以

武藉其威文榮其德謹按馬經云肋數十陸者行千里伏

惟陛下揜負圖之瑞惣服阜之靈異物殊祥蔚然叢集臣

觀前件駒靈表挺特雄姿逸異頸昂昂而鳳顧尾宛宛以

蛇蟠信坤元之利貞誠太乙之玄貺自將到府便麗于宮

每飲以清池牧于芳草則彌日翹立驅之不前及長風時

來微雨新霽輒驟首奔騁追之莫及臣某恒親省視專遣

柔馴倘駿骨峯生奇毛日就獲登華廐既備屬車遠齊飛

兔之名上奉應龍之馭天下大慶微臣至願見今養飼至

秋中即專進獻伏惟陛下兼愛好奇想其風彩今謹圖畫

隨表上進伏乞

聖恩宣付史館俾此丕烈垂于無窮臣無任戰越之至

為太原李說尚書進白兔表

見六百四十四卷進貢門前人

文苑英華卷第六百十三

文苑英華卷第六百十三

表六十一

雜進奉

此卷英華所編失年代先後今正之

為晉陽公進玉律秤尺斗升表一首

為并州長史張仁亶進九鼎銘表一首

為僧履空進圖書古器物等表一首

為蜀州刺史第八息進雲母粉表一首

代崔大夫進銅燈樹表一首

進佛像表一首

進渾儀表一首

為獨孤中丞天長節進鏡表一首

進畫松竹圖表一首

為信安王進寫聖容真圖表一首

齊賓客進所賜馬表一首

脩進繼天誕聖樂表一首

進嶺南王館市舶使院圖表一首

上禮食

為絳州刺史孔禎等上獻食表一首

為納言姚璿等上禮食表一首

為定王上禮食表一首

為魏王賀賊帥李盡滅死及新殿成上禮食表一首

為建安群王獻食表一首

皇太子食表一首

為常將軍請上禮食表一首

雜進奉

為晉陽公進玉律稱尺斗升表 庾信

臣某言臣聞三才既立君臣之道已陳六位時成禮樂之功斯正故以叶和日月測度陰陽悅豫兆人儀刑萬國者也伏惟皇帝應籙馭天披圖受命撫太陽而懸像履文昌而建極白環表讓德之符玄珪告成功之瑞太階既平升中可冒必當水建千年山稱萬歲伏見勅旨刊正音律平章曆象奏黃鐘而歌大呂變孤竹而舞雲門莫不遠取踈通聲從安樂四分既明三微且定是以聞鍾於洛浦即辨聲垂聽鐸於邯鄲先知響韻二分二至行於司曆之官九

變九成被於中和之職足以動天地感鬼神被風俗平寒暑豈直吟嘯谿谷回翔鸞鳳而已哉是知零陵廟前徒尋舜管始平城下空論周尺臣聞上裂其禮下習其儀君定其法臣行其事謹造玉律一具并玉秤尺斗升合等始得成功至於分粟累黍量絲數籥實以仰稟聖規叅詳神思所異節移陰管無勞河內之灰氣動陽鍾不待金門之竹而琬琰事輕般僮慮淺不足展乎成均增輝度量賈噐奉表以聞

為并州長史張仁亶進九口拆銘表 武后 吳少微

臣聞禹者夏后氏作群牧貢金遠方圖物備諸山澤以禦

魑魅厥後嗣子昏回 一作嗣 鼎遷于商夏之寶也杞不足

一作嗣 德昏亂

徵殷既有之又患失之周德休明神寶不墜百代可繼

惟陛下光大而當之若乃崇貴之噐金玉之鼎鎔百山發

睢上列太廟序明堂克昭 一作非 靈命以奉上帝非愚臣所

敢議臣聞禮之興也始諸飲食故先王之制日舉九鼎蓋

筠藥淳熬滌瀹 一作溢 膏餌御九州之美順四時之和臣所

以征繕比金敢貢新鼎夫有噐必有銘臣竊見九州攸同

迺述九號夫未昌天中所以基皇周也長安及岐所以紀

靈瑞也武興建都所以光帝閔也禮日觀禪雲亭所以美

升中也少陽載青所以冀儲德也東原底平所以廣封植

也江都淮海所以肆朝宗也江陵作又 一作鎮 所以制荆蠻

也成都與區所以遏珍貢也夫此九者誠不足掄衍鴻休

昭振方統庶親者羨其所稱知有由作微臣朽老不達有
有慙歌頌慚作八命之寵章負中軍之重任匪躬厥獻伏
二字表汗流其九拆銘謹遣某官奉表以聞八字一作謹敢列
上謹遣某官某奉

為僧履空進圖書古器物等表 問立均

僧履空言履空幸沐國恩謬齒和衆雖居隣壤志尚幽古
禮誦之餘每得披玩前件真迹書及圖書古物等積集既
久衆推竒異豈下僧蒙鄙之資所得自畜如將服用必是
保衛聖躬謹因括圖使臣某輒附進上表以聞塵蹟旒宸
伏增戰灼之至

為蜀州刺史第八息進雲母粉表 武后前人

臣某言伏按雲母者千二百玉石之精也七十二氣霧之
英體華而光不為水毀不為火燉夫萬物之精者神氣所
會未有不化神而能長久者也是以服食者則翱翔自任
役使百靈臣肌性虛羸小嬰疾苦務求攝理驗討方書品
丹石之名微草木之氣前聖所錄粗知其體即味消邪厲
力輔神年類非難得之珍價無兼金之重觸疾則愈莫若
茲物伏惟越古金輪聖神皇帝陛下福德所符天祚攸久
豈假上藥方固南山然一日萬機或煩聖慮色力營衛一作
微必有相資臣從西山野人得其良者其色多白乃是一作
是雲液臣不揆拙昧輒採古仙要方量事施藝剪棄粗類
收聚輕英開潔清之所遠淹穢之迹浸以茅露洮以東流

曠日彌時然後功就果得光潤融爛質理研微試之柔膚
隨手化滅皆云所見未始相侔臣意其精殊倘涉靈秘豈
以凡妄所敢凜嘗謹詣朝堂敢冒死封進伏希陛下兼愛
博物受其區區不以凡人忽棄神寶無任下情

代崔大夫進銅燈樹表

薛昇

臣伏見兵戈以來紊亂法度小有權位即爲僭奢殫物竭
財務資嗜欲故倍無廉耻政有侵漁自陛下蕩穢滌瑕躬
儉節用漸清遠邇靡然從風夫以京邑翼翼四方取則故
曰城中好高髻四方高一尺城中好廣眉四方且半額伏
願陛下日慎一日使美化行乎萬邦夫先近以及遠自家
而及國文王所以造周也臣竊竊以所造燈樹匠人計料用

錢四萬貫道路運致又約一萬貫百姓辛苦將辦實難
揚州到上都三千餘里州縣所過迴人皆見之未審此物欲
將何用若聖意別有所在即非愚心臣合知或有因時施設
使夷夏共觀愚臣竊謂有力者愛人而效之侈心又萌何可
復制非抑奢從儉敦本塞末之道也昔漢文罷露臺之役
晉武焚夏翟之裘豈徒惜一女之功愛十家之產焚而罷
之蓋欲慎所好而使天下知所焚矣矣書之青史千載美
談今陛下嚮明之理美事多矣宜更昭儉德以示四方不
軌不物明主所慎臣叨居重位師長百寮心有所疑敢不
聞奏伏惟聖鑒裁擇臣某無任

進佛像表

張說

臣某言去年行塞至朔州忍辱尼寺見有高祖太宗造金像銀跌刻題尊號集作諱彼州士女屢覩佛光臣懇思聖心

如在咫尺伏以皇帝事業遠存荒塞拯溺救焚身勤慮苦歸誠佛寶何神不擬信知功遍區域澤周生人心憑神集作

聖靈躬履危險故皇天眷命奄有邦家後嗣聖人欽承大寶當思積德而興帝國系本艱難而成事業二句集所當思由積德而

與帝系本艱難而成王業先聖一心奉佛者蓋為百姓求福也陛下為繼文之主實創業之功再廓氛祲重安廟社垂統萬億同

符祖宗夫惟興王必藉佐命咸有一德克享天心書曰非天私我有商惟天佑于一德非商求于下民惟民歸于一

德功臣同德可不念哉物有小而感深事有微而効集作傳

遂臣謹將金像隨表奉進謹言

進渾儀表 玄宗

前人

臣某言臣聞迎日授時莫先於曆象先天成務必歸於制

作伏惟開元神武皇帝陛下建中立極締武經文至德難名神功不集作莫測於是定曆成歲立象考天紹唐堯欽若

之尊集作典繼集作文虞舜在璿之義上皇能事於斯備矣臣書院先奉勅造游儀以測七曜盈縮去年六月造畢進

奏又承集作奉恩旨更立渾儀臣等準勅令左衛率府長史梁令璣檢校創造於是博考傳記舊有張衡陸績王蕃錢

樂之等並造斯器雖渾體有象而不能運行事非經久旋即一作亦毀廢臣今按擬典故鑄銅為儀圓以像天使得俯

察上具列宿赤道周天度數注水激輪令其自轉集作一

日一夜天轉一周又別立二周細絡在天外綴以日月令

得運行每天轉一匝日行一度月行十三度十九分度之

七凡二十九轉有餘而日月會一百六十五轉而行匝仍

置水一作水櫃以為地平令儀半在地上半在地下晦明朝

望不差毫髮又立二木人於地平之上前置鍾鼓以候辰

刻每一刻則自然擊鼓每一辰則自然撞鍾皆於櫃中各

施輪軸鉤鍵交錯關鑠相持轉運之雖同而遲速各異周而

復始循環不息陰陽不能逃其數分至不能隱其時集作度分

究天地之田幹集作幹極乾坤之之變化斯皆上稟聖謨集作

傍獲神助臣等愚思非所能及望錄付史館宣示百寮

知告成之功迥超前古無任懇懇之極謹隨表奉進以

臣某誠惶誠懼

為獨孤中丞天長節進鏡表肅宗獨孤及

臣某言臣仕於太上聖皇之朝早蒙寵秩位至剖竹任兼

干城摩頂至踵皆聖皇所賜陛下又不以臣菲薄加臣憲

威殊私降臨榮命重疊臣頃雖罄誠竭節竟未能夷凶靜

難思所以仰酬天造徇邈無階以去年五月五日於淮陽

鑄上件鏡欲獻之行在為聖皇壽冀申犬馬之意臣子之

心屬豺狼方熾道路艱阻懇願空積上達無由今宸極正

而乾坤貞觀氛霧收而日月開朗當白露戒序之秋是黃

河澄清之日臣幸逢佳節願展微誠謹遣某官某乙進上

件二鏡一獻聖皇一獻陛下輒以愚悃上黷聖聰集作上續聖壽

臣伏以聖皇執契垂化有如金玉之式陛下時乘馭天騁

飛龍於國步臣故以金龍飾鏡以表聖德伏冀纖塵莫翳

朗鑒長懸挂仙臺如日之昇含品物而無私不照而臣之

肝膽亦庶呈於此輕瀆宸宸戰越交深臣無任之至

進畫松竹圖表德宗四月十九日生于邵

臣某言伏以今月十九日累聖儲休之日陛下降誕之辰

聲教所加舟車所及固將駿奔大慶鼓舞升平瞻北極而

效誠匪南山而獻壽臣輒率鄙思繪松竹圖一面并陳贊

頌願躋聖祚伏冀闕庭臣某中謝伏惟皇帝陛下嗣聖居

榮統天握圖奄宅九圍光承丕構玄元敷道須有發明高

祖造邦義資慕大故得上天垂慶八葉騰輝誕聖神於

陽統清明於玄昊既徵下武將付中興非徒履迹之祥實

叶繞樞之異况臣特受榮遇思効微誠撰獻珍奇則珪璋

有可玷之理馳奉章疏則文字非陳贊之儀故臣常於禮

歎松栢有心之姿詢於詩仰松栢一作植一作植茂之興則

如佳其不朽豈疑著前聞載徵纖微爰有叢竹節雖謝於

穎拔操亦迫於歲寒故臣輒繪長松佐之脩竹辨其位則

松可君於竹掄其材則卑可奉於尊然松竹木中特最為

有壽衆材槎卉而翠蓋方成暮霰飄零而繁枝益茂輒所

賦形像外移色毫端敢借堅貞之姿願增天地之壽况輕

雲瑞氣必呈證聖之祥玄鶴仙禽每舉冲天之翼臣所以

緣義祝壽出幽入微不散氤氲之容同成俯仰之勢微盡
圖之旨誠慙創物求比興之義庶近愛君不勝區區之極
其松竹圖并頌敢冒陳獻無任戰灼之至

為信安王進寫聖容真圖表
呂溫

臣某言臣一昨扈從西狩岐陽時以有年事因農隙整六
軍之衆備六田之禮戎卒是訓威武載揚厲草淺獸肥霜
清氣殺詔虞人以即麗命荊州而起烏陛下親御弧矢紆
駕林衡曾不合圍取其背者雖有逸群之狡走險之挺而
飛黃騁轡縈拂如組練沉縱鎬宛轉若伏一作必命中於
前皆應弦而絕倒其餘變態不測神妙無方非臣罄言所
能模狀既而備獻禽之禮虔薦寢之誠教人以孝自天一作

此外郊獲畢賦懿親兼禁羽騎無犯宿麥是行也典禮
斯備仁恩允洽三令惟肅七德以宣魏武何階亦紀功於
猛獸周文差擬將比義於飛熊臣忝藉宗枝幸陪鑾輅竊
觀神武冠絕古今以為載之空言不若圖之繪事向所述
聖今皆寫真雖天顏不遠而丹青莫擬徒極愚思庶存萬
一謹錄上陳獻伏深戰汗請宣付史館

齊賓客相公進所賜馬表
德宗
權德輿

臣某言臣頃待罪中樞特蒙睿渥既切維鵜之刺又叨錫
馬之榮憂在忝曠積成疾瘵聖慈全貸尚列師賓見矜集
驚福過之灾猶積喜中之懼况茲天驥輒自御閑實有代
勞之功且期至遠之用特優賜與以寵宰司臣自改官即

合進納而心力衰耗晦明纏綿筋骸自便惟在床衽視聽
所知不過湯藥沉痾餘息有異常人平居故事皆所廢忘
頃年愧懼已切於負乘今日稽留自疑於奪魄因緣尸素
積累罪辜踈愚昧務殞越無地謹隨表奉進無任惶恐震
懼之至臣某頓首頓首謹言 貞元十九年閏
二月二十二日

脩進繼天誕聖樂表

德宗貞元
十二年

王虔休

臣某言臣聞於師夫君子為能知樂是故審音以知樂審
樂以知政治 唐諱道備矣故清明廣大終始周旋與天地同
其和與四時合其序豈止於鍾鼓管磬云乎哉伏惟皇帝
陛下繼明御極理定功成則星辰之度以授人時酌昊穹
之心以為政本五行隨其用捨九有荷其陶鈞鳥獸魚鼈

無不成若伏見玄宗時天長節著于甲令每於是日海縣
歡娛稱萬壽之無疆樂一人之有慶故能追堯接舜邁禹
踰湯自周以 一作已後不復議矣臣竊以陛下降誕之辰未

有維新之曲雖太和已布於六氣而大樂未宣於八音母
乃臣子之分或有所闕愚臣不揆頑昧思所祖述每私歌
竊忤忘寢與食矣 唐書作貪又矣適遇有知音者與臣論及樂章

探微臆與窮理盡情臣乃遣造繼天誕聖樂一曲大抵以
宮為調表五音之奉君也以土為德知五運之居中也凡
二十五遍法二十四氣而足成一氣 唐書作一歲也每遍十六

拍象八元八凱登庸於朝也所冀與雲門咸池永傳於律
呂空桑孤竹同薦於宮懸不雜滂濊之聲先協 唐書作長作中

和之頌唐書作樂可使九域之人頓忘於肉味四夷之俗皆播於薰風與唐惟休終古盡善臣不勝懇款其所造曲譜謹同封進

進嶺南王館市舶使院圖表

臣某言臣聞無翼而飛者聲也無根而固者情也無方而富者生也聖恩以臣謹聲教固物情嚴為防禁以尊其生由是梯山航海歲來中國鎮安殊俗皆稟睿圖伏以承前雖有命使之名而無責成之實但拱手監臨大略而已素無簿書不恒其所自臣親承聖旨革刻前弊御府珍貢歸臣有司則郡國之外職臣所理敢回天造出臣匪躬近得海陽舊館前臨廣江大檻飛軒高明式叙崇其棟宇辨其

名物陸海珍藏狗公忘私俾其戴天捧日見聖人一家之為貴窮祥極瑞知天子萬方之司存今年波斯古邏本國二舶順風而至亦云諸蕃君長遠慕望風寶舶薦臻倍於恒數臣奉宣皇化臨而存之除供進備物之外並任蕃商列肆而市交通夷夏富庶于人公私之間一無所闕車徒相望城府洞開於是人人自為家給戶足而不知其然况北戶之孱顏南冥之睢盱國異俗泰而安宅生振忘歸而樂業百寶叢貨罔贖於人心群瑞効靈顧懷於天憲臣謬專任重啓處不遑供國之誠庶有恒制海門之外隱若敵國海門之內宣知一作和變風後述職於此者但資忠履信守而勿失不刊之典貽厥將來聖恩以軍府交代之際委

臣在鎮不獲捧圖陳薦拜舞天旌無任感戀慙惶之至

上禮食

為絳州刺史孔禎等上獻食表 武后 李嶠

臣禎等言臣聞式宴為歡易著需雲之象晞陽展敬詩有湛露之歌伏惟金輪聖神皇帝陛下功掩大千化高明一憑五乘而馭群品秉六度而弘萬機俯順人心仰膺佛記尊名大號與日月而齊光凱澤歡醑共雷雨而俱作舞詠溢於三界聲名殷乎四天臣等備守外藩幸欣入計瞻衢路而躑躅望闕庭而悚踴歡情未展空思側弁之娛聖造不貲仍賜合醑之禮三元告始萬品惟新陽進而君道載昌景延而聖壽彌固具寮稱賀率土同欣願申在藻之心

輒效獻芹之志謹上禮食五十舉具如別狀和殊九沸羹異八珍有慙殷鼎之滋豈益堯厨之膳輕薦蔬菲追增悚怍臣禎等誠惶誠恐

為納言姚璿等上禮食表 李嶠

臣某等言伏以壇場既畢文物惟新寰區被雷雨之恩宴樂動雲天之曲玄髻黃髮式舞遍於康衢車馬衣冠追賞窮於勝境瞻鳳闈而列鼎抗龜浦而開筵風光滿佳麗之城煙霧上神仙之閣傾壘倒牟盡百辟之歡娛伏檻憑軒延九霄之眺羈五日開十旬之賞千齡逢萬歲之期因以慶軼朝門一作怍深天造無任喜躍之甚謹上禮食若干輦不耻獻芹之陋方期在藻之歡旋顧單菲追增悚怍

爲定王上禮食表

前人

臣某言伏惟陛下至德動天深仁被物光輝格乎上下神化行乎中外故能使明祗叶贊景貺駢臻承靈命於九玄錫禎圖於萬祀高秋在律重九御辰陳法駕而展皇儀升紫壇而奠蒼璧欽告類之典盡祗敬之容咸秩群神允釐百福然後王鑾回軫金鉞戒塗發雷雨之恩私展雲天之宴樂百寮簪笏承愷悌而沐沉潜四海氓黎欣復除而荷優貸瑤圖載未昇命惟新忭舞同於十方歡娛邁於千古臣謬當維翰忝屬葭莩敢申慶躍之情願奉宴私之澤謹上禮食若干輦野人何識徒致誠於獻芹天獎曲成倘備歡於在藻無任區區之至謹昧死奉表以聞臣誠歡誠喜

頓首頓首謹言

爲魏王梁王賀賊帥李盡滅死及新殿成上禮食

表

前人

臣承嗣等言伏見逆賊盡滅未誅先斃叛奚部落不守自降或貫盈而亡或懾懼而伏行從除殄不勝慶快臣承嗣等中賀臣聞遠逆助順窮昊所以照臨振遠懷荒邦家所以底定蠢茲豺虺憬彼犬羊稱亂白山度劉蒼海豈徒石磬楛矢式遏於天朝故亦桑弧鐵衣憑陵於邊朔陛下乃矚愚悖情深遵養聊用七旬之舞未加一作知非五戒之罰雖大聖之德恒存於好生而冥祗之心有切於除害驅桃都之厲鬼剗檀石之妖魁不資舉網之勤而長鯨已曝無假

合園之費而封豕先屠有以知神道之難誣有以見天心之不遠元凶既覆餘孽旋殲畏威者鼠竄而離心懷惠者鴈行而革面毳幘連路毳裘成市與夫姬得瑞頴期越裳於累年漢獲駢柯俟匈奴於後歲若斯而已也方傾巢而盡落佇匣刃而藏鋒自非睿感潛通靈符叶替豈能使天地假手幽顯同心及有秩之方歌厲斯千之肇獻上棟下宇諸百福而擁神休開陽闔陰積千祥而宜聖壽配南山而求固與北極而長尊仙聖所以安居黎元由其式忭臣等幸逢昌運叨延嘉獎喜遐陬之霧廓且覲歸牛欣大厦之天臨方同賀雀願奉霈雲之慶思承湛露之歡無任區區之誠謹上禮食若干舉蘋羞何有希陳上帝之筵獨泰

菲珍遂同野人之獻旋顧單菲追增悚作謹隨表進奉以聞臣承嗣等誠歡誠喜頓首頓首

為建安郡王獻食表

陳子昂

臣某言謬籍葭莩叨榮圭杜統戎出塞遠鳳宸而逾年班師入朝拜鑿闢而有日策勲飲至頻承湛露之恩獻壽奉觴未伸行潦之薦所以白茅微籍願享於鈞臺黃汗菲誠思奉於瑤水謹輒獻食一日舉伏知金鷄一作雄瑞昇盈上帝之珍羞玉女行厨盡群仙之品味以茲菲薄有陋蘋蘩多慙在藻之歡竊希集作有獻芹之志所願皇慈俯納卅懃獲申天子萬年末慶南山之壽微臣百拜永一作長承北極之恩無任誠懇之至

皇太子上食表

崔融

臣某言伏見臣妹太平公主妾李令月嘉辰降嬪公族詩人之作下嫁於諸侯易象之興中行於歸妹又臣銅樓再惕常荷蔭於中慈金屋相驚忽承恩於內輔周官典瑞傍稽聘女之儀晉朝加璽兼採納妃之制聖懷感慰皇澤霑濡願垂扶木之光俯遂芹芹之請謹上禮食若干舉如列尊師四學雖有謝於溫文問豎三朝竊無違於視膳謹遣某奉表以聞

為常將軍請上禮食表

前人

臣某言臣聞坤德承天所以曲成萬類陰靈配日所以兼燭四方故媯水佐虞塗山翼夏殷之興也有華光其榮姬

之盛也太姒替其功用能家道以正國風茲始伏惟陛下睿智神武文思聰明光復丕基惟新寶運包混元而建極體造化而開階流形日用而不知含氣風從而自樂皇后坤維發祉軒宮正位黃雲不散白氣常流玉璽載耀椒塗以峻洛書疇能諭其懿河圖不足紀其靈外理克和內德惟茂臣濫逢明聖忝當姻戚榮寵被於門庭光耀生於道路西京六族在昔何優東國七家方今未重魚鱉咸若在品物而同歡鳥獸率舞顧微臣而倍躍臣聞飲食之禮聖賢所貴以奉君人以親宗一作九族敢因斯義輒罄卑誠特望時降特恩聽臣上禮雖玉饗珍味固無假於獻芹而臣下微心寔有同於傾藿瞻言怵踴伏竚矜遂無任悃欵踴

躍之至謹奉表陳情以聞伏聽勅旨

此篇元誤編在六百七卷
雜上請門今移入于此

文苑英華卷第六百十三

文苑英華卷第六百十四

表六十二

邊防一

出師表一首

請罷姚州屯戍表一首

為喬補闕論突厥表一首

諫鑾駕親征表一首

為清邊大總管建安王奏失利表一首

幽州論戎事表一首

荊州論邊事表一首

出師表後魏

高歡普泰元年

臣某言故天柱大將軍榮授立聖明中興寶曆而屠戮衣冠升降自已其勲雖大厥咎亦深以過比功則功不補過來安之末國祀權移疑貳已彰遂加大戮君猶夫也理絕

讐怨而世隆等鳩集大羊傾覆京邑大行幽執酷害賊首
且自立六王擅相署置或權重上將或官兼宰相輔淫貪
亂肆行兇惡賣官鬻獄專貨求財政令無恒朝改暮易雖
復南山之竹豈可盡言陛下龍德先一作天翻飛紫極斯
乃宗廟之威靈億兆之念望而世隆等沮疑衆安忍自以
爲功帶甲勒兵唐突宮省篡逆之漸昭然有徵臣本無勲
庸濫叨非擬位班台鉉爵等藩王質薄任隆憂深責重常
恐顛沛負之無力主憂臣辱先達明規主辱臣死微臣宿
志况擁百萬之師罄四海之銳而坐觀成敗不恤國家之
難哉方將揔馭大軍弔民代罪其指麾形勢備在檄書若
世隆等退出藩維奉辭廷闕臣便按甲休兵一無所預事

寧之後泥首歸愆矯命專征分甘鈇鉞若固執逆謀敢拒
義師者當戮及妻孥罪延三族伏願陛下留神省察照臣
丹款大勲克舉拜手有期心馳象闕載懷罔極

請罷姚州屯戍表

武后

張柬之

神功初

臣某言臣伏聞

一作竊按

姚州者古哀牢之舊國絕域荒外山

高新唐書

水深自生人以來泊於後代

舊唐書

不與中國

交通前漢唐蒙開夜郎滇祚而哀牢不附至光武末

舊唐書

季

年始請內屬漢置末昌郡以統理之乃收

新唐書

其塩

布醜剝之稅以利中土其國西通大秦南通交趾竒珍異
寶進貢歲時不闕劉備擬有巴蜀常以甲兵不克及備死
諸葛亮五月渡瀘其金銀塩布以益軍儲使張伯岐選

其勁卒利舊唐書 兵以增武備故蜀志稱自亮南征之後

國以富饒甲兵充足由此言之則前代置郡其利頗深今

鹽布之利舊唐書 不供珍奇之貢不入戈戟之用不實於

軍新唐書 行寶新唐書 貨之資不輸於大國而空竭府庫

驅率平人受役蠻夷肝腦塗地臣竊為國家新唐書 惜之

漢以得利既多歷博南山涉蘭倉水更置博南京牢二縣

蜀人愁怨行者作歌曰歷博南越蘭津渡蘭倉為他人蓋

言舊唐書 漢貪珍奇鹽布之利而為蠻夷之所驅役也漢

獲其利人且怨歌今減耗國儲費用日廣新唐書 而使陛

下之赤子身膏野草骸骨不歸老母幼子哀號望祭於千

里之外於國家無絲髮之利在百姓受新唐書 終身之酷

臣竊為國家痛之往者諸葛亮破南中使其渠率自相統

領不置漢官亦不置兵鎮守人問其故亮言置留兵有三

不易大率舊唐書 以置官夷漢雜居猜嫌必起留兵運糧

為患更重忽若反叛勞費更多但粗設紀綱自然久定臣

竊以亮之此策妙得羈縻蠻夷之術今姚府所置之官既

無安邊靜寇之心又無葛亮且縱且擒之技惟知詭謀狡

筭恣情剝貪叨劫略積以為常扇動酋渠遣成朋黨折

支諂笑取媚蠻夷拜跪趨伏無復慙恥提挈子弟唱舊唐書

嘯引兇愚聚會蒲博一擲累萬劔南逋逃中原亡命有二

千餘戶見散在此州專以掠奪為業姚州本龍朔中武陵

縣主簿石子仁奏置之後長史李孝讓辛文協並為群蠻

得

所殺前朝遣即將趙武貴討擊及蜀兵應時破敗噍類無遺又使將軍李義物等往即將劉惠基在陣戰死其州遂廢臣竊以諸葛亮稱置官留兵有三不易其言遂集唐書作乃

驗至垂拱四年蠻即將王善寶昆州刺史爨乾福又請置州奏言所課稅自出新唐書作支姚府管內更不勞擾蜀中及

置州後錄事參軍李稜為蠻所殺延載中司馬成琛奏請於瀘南置鎮七所遣蜀兵防守自此蜀中搔擾于今不息

且姚府總管五十七州巨猾遊客不可勝數國家設官分職本以化新唐書作正俗防姦無耻無厭狼藉至此今不問夷

夏負罪並深見道路劫殺不能禁止臣恐一朝驚擾為禍轉大伏乞省罷姚州使隸雋府歲時朝覲同之蕃國瀘南

諸鎮亦皆悉廢於瀘北置關百姓自非奉使入蕃不許來通來往增雋府兵選擇清良宰牧以統理之臣愚將為穩便

為喬補闕論突厥表

陳子昂

臣某言臣以顓蒙幸叨近侍陛下不以臣不肖特勅臣攝

侍御史監護燕然西軍臣自違闕庭涉歷秋夏從軍集作徒居

邊徼無尺寸之功臣識闇劣孤負聖明然臣久在邊隅夙

夜勤灼莫不以蕃事為念比按察已北突厥離亂事迹集作

俾按察之此以突厥離亂事迹集作參驗委曲窮問往來竊有以得其真莫不

自為鯨鯢迺相吞食流離殘餓莫知所歸臣誠愚不識事機然竊以往古之變考驗於今乃知天亡凶醜之時是陛

下收功之日然臣聞之難得而易失者時也易遇而難見者機也聖人所貴者去禍於未萌今陛下體上聖之資開太平之化匈奴為中國之患自上代所苦久矣今天降其災以授陛下萬代之業在於今時臣請以秦漢以來事迹證明之伏願陛下少留天聽尋繹省察天下幸甚臣聞始皇之時并吞六國雄制集作制天下按劍叱咤八荒奔馳然匈奴疆梁威不能伏集作服牧馬河內以侵邊疆始皇赫然使蒙恬將四十萬衆北築長城因以逐胡取其河南之地七百餘里當時燕齊海岱羸糧給費徭役煩苦人以不堪故長城未畢而閭左之戍已為其患二代而亡莫不始於事胡也至漢興高帝受命率群雄乘利便以三十萬衆困

示作迫白登七日被圍僅而獲免自是歷呂太后至孝文

帝單于桀驁益陵漢家文帝徒以遜詞致獻金帛但求其善和而已不敢有圖賈誼所以哭之痛文帝以天下之盛而卑事戎狄以倒懸天下也至景帝時邊受其患於是漢武踐祚以承六代鴻業屬乎文景玄默之化海內又安太倉之粟紅腐而不可食內府之錢貫朽而不可校財力雄富士馬精疆忿匈奴之驕慢將報先帝之辱遂使王恢韓安國將三英華作四非十萬衆以馬邑誘單于師出徒費竟無毫髮之功一作利於是大命六師專以伐一作擊胡為務首尾二十餘年中國騷然大受其弊至於國用不足軍興不給租及六畜筭及船車盜賊群興京師亂起竟不能制單于

之命一日而臣服之漢室衰殘幾自覆社稷也故漢武晚年厭兵革之弊廼下哀痛之詔罷輪臺之遊封丞相為富人侯將以蘇中國也至宣帝代罕復出師屬匈奴數窮天降其禍虛閭權渠單于病死古賢王屠耆堂代立骨肉大臣自不相服又立虛閭權渠子為呼韓邪單于擊殺屠耆堂諸名王貴人各自分立為五單于更相擊以至大亂殘害死者計萬億數畜牧集作產耗減十至八九以饑饉集作餓相燔燒以充集作求非食於是寄命無所諸名王貴人右伊秩訾且渠當戶以下將眾集作兵五萬稽首來降於是北方晏然靡有兵革之事直至哀平之際邊人以安臣竊以此觀匈奴之形察天時之變盛衰存亡之機事可見也然則匈

奴不滅中國未可安卧亦已明矣夫以漢祖之聖集作武

帝之雄謀臣勇將勢威集作盛雷電窮兵黷武傾天下以事

之終不能屈一王服一國宣帝承衰竭之後撫瘡痍之衆

不敢惕集作湯然有出師一作征之意然而未有遺矢之費而

臣僕於單于之長者其故何哉蓋盛衰有時理亂有數故

曰聖人脩備以待時是以正天下如裕遺陛下肅恭神明

德動天地今上帝降匈奴之災孽遺陛下之良時不以此

時順天誅建大業使良時一過兇虜復興則萬代為患雖

悔之亦不及矣古語曰天與不取反受其咎今天意厚矣

陛下豈可違之哉臣比在同城接居延海西逼近漢南口

其磧北突厥來入者莫不一一臣所慰集作委察比者歸化

首尾相仍携幼扶老已過數萬然而瘡痍羸憊皆無人色
饑餓道死頗亦相繼先九姓中遭大旱經今三年矣野皆
赤地少有生草以此牛馬死耗十至七八今所來者皆是
稍能勝致始得度磧磧路既長又無好水草羊馬因此重
以死盡莫不掘野鼠食草根自相殘命以給餓食集作或自相食
以活臣具委細問其磧北事皆異口同辭又耆老云自有
九姓來未嘗集作曾見此饑饉集作饑之甚今者同羅僕固雖
為逆首僕固都督早已伏誅為亂之原集作元既自喪滅其
餘外小醜徒侵暴自賊耳本無遠圖多有獫葛復自相讐
入被塗炭逆順相半莫知所安迴鶻諸部落又與金州橫
相屠戮群生無主號訢嗷嗷臣所以願陛下建大策行遠

圖大定北戎不勞陛下指麾之間事業可致則千載一作千
之後邊鄙無虞一作憂中國之人得安枕而卧豈不在陛下
一斷哉且匈奴為中國之患非獨秦漢之間臣竊惟先帝
時衛公李靖蓋中庸之二老臣徒藉先帝之威用廟勝之
策當頡利可汗全盛之日因機逐便大破虜庭遂繫其侯
王裂其郡縣六十年將於今矣使中國晏然斥侯不警一作
無斥侯書之唐史傳之無窮至今天下謂之為神况陛下
統先帝之業履至尊之位醜虜狂悖大亂邊陲皇天遺陛
下以鴻業之時陛下又得復先帝之迹德之大者其何以
加若失此機事已過往使李靖豎于獨成千載之名臣愚
竊為陛下不取也臣伏見去某月日勅令於同城權置安

北都護府以招納亡叛扼匈奴之喉臣伏慶陛下見機於
萬里之外得制匈奴之上策臣昔聞隗囂言一作漢光武

見事於萬里之外制敵應變未嘗有遺今陛下超然神鑒

昭宣集作遠照實所謂聖明之見覩於無形也臣比住一作同

城周覩集作觀其地利又博問諳知山川者莫不悉備其地

東西及南集無南字北皆是大磧磧並石鹵水草不生突厥嘗

所大入道莫過同城今居延海澤接張掖河中間堪營田

處數百千頃水草畜牧足供巨萬又耳州諸屯犬牙相接

見所蓄粟麥積數十萬田因水利種無不收水運集作同

城甚省功費又居延河海多有魚塩此可謂疆兵用武之

國也陛下若調選天下精兵採拔名將任以同城都獲臣

愚料之不用三萬陛下大業不出數年可坐而取成臣比

來一作此者看國家興兵但循於常軌主將不選士卒不練徒

知集作如驅市人以戰耳故臨陣對寇未嘗不先自潰散遂

使夷狄乘利輕於國威兵愈出而事愈屈盖是國家自過

計於敵耳故非小醜能有異圖臣竊以為陛下今日不更

為之圖以激勵天下忠勇但欲以今日之兵今日之將冀

收功於異域建業於中興則臣之愚蒙必以為未可得也

陛下即以突厥為萬代之患則臣所言願少加察若以戎

夷集作狄荒服不臣則微臣小人非所敢諫臣今監領後軍

某等取某月即度磧去計至某日及劉敬同謹當親按行

磧計至北以來地形及突厥滅亡之勢察具集作當審虛實續

以聞奏伏願一作惟陛下省臣此章為國大計儻萬有一可

中者請與三事大夫熟啻議之此亦萬代一時也伏願少

留聖意閑暇念之天下幸甚天下幸甚陛下採臣菊蕘臣

請執銳集作先驅為士卒啓行橫行匈奴之庭歸報陛下

臣死之日庶無遺恨不勝踴躍之至

諫鑾駕親征表宗

蘇頲開元三年

臣某言伏承某日制以吐蕃侵軼邊隅陛下欲親搃元戎

出征秦隴蠢彼羗髻敢為叛渙王赫斯怒整旅龔行實陛

下雄略英威愛人活國之長策也臣聞北狄西戎自古而

有雖夏殷之強軒農之盛未息其患也書稱蠻夷猾夏詩

著儉狁孔熾未損東漸西彼之化帝王馳驟之迹則有南

仲出車吉甫維憲縱侵鎬及岐宗邇畿甸未聞親征之義

及乎漢代則烽火至于甘泉朝宗那喪其都尉亦止屯兵細

柳天子但安于上京何者戎狄荒服忽慌之義也來則拒

之去則勿逐以禽獸處唐書之以羈縻御之比諸校獵羽

毛不入於服用體肉不登於郊廟則王者不射故知千鈞

之弩不為鼷鼠發機也况萬乘之重而與犬羊角勝哉誠

勝之不武不足以勞也且陛下有高行者甚衆焚珠翠放

鷹狗出宮女納直言為百姓請命故闕中豐稔則知皇天

所矐通夫至誠今小寇難將不久陛下勤脩德音日慎一

日當自消弭也且兵法有先聲後實陛下但發親征之令

以旨遠而潛遣猛將謀畧之士以濟其師則戎人日便崩

控也岐隴粗熟凋弊積年千乘萬騎往還儲峙恐外有寇
虞內興徭役人不堪一也又戎虜之性倏來忽往敗不羞
走勝不成師唐書作讓成若大軍臨邊尋已鳥散則屢出多方
我受其誤二也况太上皇萬福鍾愛實深陛下將對寇場
必勞憂慮非惟問安頗闕亦恐御膳有違則陛下烝烝之
思何以自得三也臣故曰擇將嚴邊賙食脩德為良筭也
臣愚不識忌諱惟陛下裁擇一昨欲幸蒲州及長春宮臣
等以人勞未復不足輕擾輒進狂瞽遂簡天心下制賢諫
臣一作官之奏恤農人之業因而賜一作見停遐邇並知陛下
從諫如流之美今日未久勞役倍前斷可知矣陛下若
哀此疲人頓茲戎輅則天下幸甚昔蒯城侯泣諫漢祖曰

主上常自勞豈無人使漢祖以為愛我良史書為美談今
朝廷將相之眾豈無與陛下盡力哉何勞聖躬之遽行也
臣等不勝悽悽之誠謹表以聞

第二表

前人

臣某言皇情愍彼邊疇忿茲兇醜必親吊伐臣聞天子之
怒伏屍百萬流血千里若吐蕃者鼠竊豕食猶魚躍釜中
耳又何足以當陛下之怒哉臣愚竊以不可何也頻歲以
來百姓不足岐隴河渭動無儲廩今大駕遠征供置倉卒
若緩之以法必乏我軍興如急之以刑則人無所措此時
不可也乘邊將士或交鋒刃飛書告捷首尾繼來料賊之
勢不復支久陛下若輕車電發則虧持重之慮一作虞如按

部天行又非赴敵之義此勢不可也蓋稱王者之師有征無戰謂蕃貢有闕王命征之於是乎理兵其郊獲辭而止非謂擐一作甲臨軍敵人畏之莫敢戰也是以古者聖帝明王無親將也云黃帝五十二戰者即締構草昧非太平之本也故自阪泉之後脩身美德與七聖游於具茨三月齊而訪道今陛下鳳翔藩邸龍躍御天不日再造乾坤一呼而撥定禍亂是則聖過黃帝而經綸之業備矣故當高居深視制禮作樂禪梁甫登崆峒雅歌從容為後王法闔外之事屬諸將軍何至厭玉輦甘金革邀功馬上為一人一作之敵也今吐蕃遣偏裨小醜干犯大國我軍未捷而耻已深而陛下又將屈至尊遠召之敵使攻無不勝戰無

不克猶未足以誇四夷適足以驕敵人羞天下也又扈從之人半非閩士使給往來日費千金與其傾耗資儲孰若回募驍健重賞之下必有勇夫以敢死之師當疲老之寇若排山壓郊何必勞聖躬哉况事有不可輕敵有不可小者昔周師困於祝聃漢祖厄於平城安可謂吐蕃無祝聃耶河右無平城耶千金之子坐不垂堂聖人終日不離輜重不可忽也臣又聞吐蕃之入也惟趣羊馬不至殺掠於人但剥體取衣以窮寇耳又數道俱進按隊徐行者若有所望恐連謀北狄陛下如必親戎邁于岐隴脫幽并警候靈夏馳烽突厥之騎南侵猶如吐蕃之勢長安百姓驚擾太上皇帝豈不憂勞陛下以三賊憑陵誰者先擊豈可挂

一八五八卷 一八五八卷 一八五八卷

西軍之衆分御北胡野次之間遙謀廟堂不戰之策帝城
空虛衆亦何仰臣固曰居中制勝為防萌杜漸之上略也
今但發近縣之兵擇良能之將重為之募嚴為之約其敗
衄失律者已加必罰之誅矣其勇敢殺敵者亦願加信賞
之勸焉兼購賊中有能斬首帥以一作下歸降者及邊軍
之士俘馘醜虜者並厚為賞格以班之我軍必大振矣彼
賊聞之自解而去也又承萬騎官者數千其受國恩亦已
多矣並習練梟雄遠近所憚陛下若拔為將帥或備軍行
勒以從征足可威賊也又數十年來人之多幸乃有捐司
遷傳軀保妻子之臣親戚貪佞之輩並人厭階勲家盈封
爵乃至紫衣塞路朱服滿朝皆能侵國害人未見尺功寸

勳自陛下欲櫛風沐雨親冒邊塵不聞獻一奇輸一策主
憂臣辱請代此行而但糜府庫之財殫征稅之奉嗚呼此
所謂六蝎五蠹者是也臣所以痛心推膺而移疑陛下言
之耳何不簡冗食重祿之夫權令禦寇此但惜身自當為
國而容養蠹蝎輕勞聖躬賈誼所以長歎息繼之慟哭為
此也昔楚漢相持楚強而漢弱漢祖猶曰使刑徒擊公吾
不能鬪力也區區之時猶能如此况今四海之內皆為臣
妾普天之下莫非王土而蕞爾一寇如一蚊之附九牛陛
下便欲降萬乘之尊親銜際之變輕其帝重逸此庸臣臣
竊為陛下不取也夫三皇善用仁聖五帝善用智勇陛下
當三五之運而捨其所長非英武之稱也議者或為疑陛

下前欲征匈奴制行而止今必須一出示信萬人此大謬也夫兵者以正合以奇勝故不厭詐而尚以權今以陛下英雄之資發親征之令敵聞而懼我勢已張更練熊羆推轂將帥見可而進聘變如神適謂幽遠而難知河漢而不可測人是以服信是以孚夫何疑也今夫頓岐隴之外擾疲弊之人率徵之兵不過數萬阻饑積歲師不宿飽州縣急於供費力不足以救邊軍容制於部伍勢不足以赴敵脫胡騎紛擾京城空虛人情易動難安不可不慮也如太上皇暫勤盱食是陛下以天下之大不能安其親也惟陛下圖之今卜征有期不可頓止但更延發日示擇良辰以候西軍動靜以為長策臣愚所陳衆計亦願陛下擇善而從

之臣聞資父事君惟忠與孝况臣職參衮闕逾念謹言
蓋洎塵死而無悔昨四日已於閤門封進一表恐未周覽
今復盡愚非敢阻於成規實願廣於天聽輕言時政伏待
刑辟

為清邊大惣管建安王奏失利表

武后張說 萬歲通天初

臣攸直言今日某乙從硤 集作石山稱前軍王孝傑等以

某日失利於峽石山忽聞殞絕心摧魄死上孤天威下慙

士卒臣死罪死罪頓首頓首臣以駑怯謬職戎麾銜戴恩

榮統率將士驅關隴之馬引淮海之駒旗幕亘於邊城弓

甲傾於內府不堪任使撓失節度群帥無決勝之功偏師

有挫衄之咎長犬馬之孔熾縱梟獍之未滅憤結靈祗怨
毒骨髓臣實其罪非他人忍耻苟全遠媿胡顏之責引慝
過死內負猶聞之心踉蹌無顏進退匪集作靡處臣既不建
師律有干常憲合即嚴科以塞重責然以見在兵馬交要
部統未敢束手軍事委置旌節稽後集作緩刑書伏深兢戰
特乞更召嚴猛代臣部卒集作統帥臣請歸罪司寇以正國刑
囚伏邊陲惟待斧鉞

幽州論戎事表

玄宗開元六年

前人

臣某言伏以先帝以臣踐履忠孝使臣啓發聖明故得侍
讀春闈夙承天眷泊於中歲兼掌樞密內當沸騰之口外
禦傾奪之勢陛下監撫既安自天所佑然臣叶贊之意

神啓之開元之始首典鈞軸智小任大福過災生出守三
州遠離六載曲直非已升降由人惟君知臣事不待說今
既牧邊鎮委重戎麾竊以兩蕃共和能器疑同異九姓遠
聞撫納欲恃賊殺無侵擾之慮保兩蕃受徵發之期臣愚
料之恐未然矣何者賊殺親一作斬立必逞兵所加必收九
姓若去兩蕃挫失九姓雖屬并州節度然其幽州密邇脫
有風塵何所不至臣熟聞幽州兵馬寡弱卒欲排比未可
即用城中倉糧全無貯積事未逼迫臣實憂之伏乞聖慈
深以垂意博詢舊將預為籌畫事若早圖必無後悔且孤
臣揔衆易起猜嫌寬大失濟事之宜嚴整招怨黷之謗遠
辭天聽臨事回惶如有論告臣身奏劾軍事者乞追臣面

問對定寘疑虛則日月無可蔽之期幽遠有自通之望伏乞留書在內時加矜察

并州論邊事表宗

前人開元七年

臣某言臣說頓首死罪死罪言臣聞小忿不忍延起大患小罪不寬迫成大禍契丹奚背恩誠負天地不容之責然原其狀本是夷狄君臣不和自相誅戮耳伏集作望聖慈且使其族類在朝者將勅書再三告讓因其所欲立酋長而便定之或可不戰而定也必告之不訓則大發兵馬東召靺鞨西舉九姓來春未青數道齊入突于之首可拾而取未為晚也天恩若不忍以中國勞事蠻夷則嚴兵備塞葉兩蕃如糞土耳又許欽淡集作擁二萬餘兵集作擬五

走之城有糧即守不可拔無糧即鼓而行何所慮也今邊吏獻非時遠抄兵回甚難八字集作非時遠抄近掠其實甚難萬一未捷賊氣轉壯臣愚不曉集作下不敢隱情伏望聖恩再加裁度臣說誠惶誠恐頓首頓首

文苑英華卷第六百十四

The table on the right page consists of 11 vertical columns. It is currently empty, with no text or numbers entered. The table is enclosed in a rectangular border. The paper is aged and shows some foxing and ink smudges, particularly at the bottom and along the right edge.

